



田間集

卷之六

江上錢澄之飲光藁

五言律

龍眠山居禱興

築室當溪口。溪聲比舍連。
 截來穿竹徑。引去入秧田。
 泛酒夜難醉。臨流午罷眠。
 羽觴原上放。直過小橋邊。
 經營三四載。新構小茅茨。
 笋密僧私賣。租寬佃自知。
 開荒南澗澗。覓種下江遲。
 瓜豆緣塍種。溪邊盡插籬。
 亂後山田瘦。春陰趁早耕。
 秧針寒裏損。糞火雨中明。
 酒店乘忙蓋。鄰家爲水爭。
 叱牛墻外過。時有讀書聲。
 見說西峯下。陰寒可種茶。
 山深雲雜霧。地黑土兼砂。
 盛

田間集

卷之六

五言律

一

卷之六



夏勤薅草。初年忌摘芽。荷鋤僧不倦。常到日西斜。
古藤纏壁住。知是老墻根。竹色碧侵戶。梅陰香滿園。
野鷄衝客起。乳鹿避人奔。市上還防虎。山中不閉門。
庚子春有

城虎入元

幾道灘難過。誰成獨木橋。田因更佃瘦。山以上墳燒。
婦雨中牧。了童屋後携。隔墻來往近。有酒即相邀。
一犁東作起。草徑狹難行。處處驅牛路。田田放水聲。
莫嫌連日雨。已是一春晴。客至親炊飯。兒童遣入城。
墻角鈎衣刺。繁花滿路香。翁饒判食菌。婦鬧為爭桑。
越客奔蜂毒。催耕候鳥忙。松棚新賣酒。私喚老僧嘗。
邨居離郭近。野老未忘機。收籜編涼帽。藏穉織草衣。
血

痕司獵網。腥氣坐魚磯。見客雄談古。東門看戲歸。
糧事聞人說。官收果便農。倘能減科派。詎敢後輸供。
僧徙施茶竈。鄰求造酒傭。今秋安水碓。借與四邨春。
休脫衣棉早。空山入夏寒。摘蔬盈一把。燒筍飽三餐。
老易溪邊講。詩文醉後看。恠余談不倦。得遇解人難。
好山何必買。得住即吾廬。北苑眼前画。南華袖裏書。
水溝花自去。石縫草親除。潭上漁無禁。人來亂打魚。
講罷吾無事。巡溪步幾迴。草昏山欲合。杉黑雨將來。
畫臥鄰僧病。春寒野殿開。樵人歸不歇。前路伴相催。

過碩人醒園偶作

太冲耽野趣。市隱亦蕭疎。負郭纔通巷。開門別有廬。
小

亭畱客坐。大宅讓兒居。自說歸田後。緘關懶讀書。

酬左夏子

博物推公子。誰堪共討論。見君能不語。覺我太多言。居僻寧逃世。交嚴豈閉門。吾鄉無古學。史法賴能存。

招武水高子威入山話別

通家魏里彥。兩月滯荒城。訪舊老來意。看山臨公情。木無多石色。但可聽溪聲。欲問頑夫事。江中過此生。

青布潭弔左子忠

未了一分願。空捐萬里身。故人虛有望。茅屋竟難新。結茅得病因。多酒遺孤仍。舊貧潭邊宿。草處一過一傷神。

周信臣山齋

周生讀書處。茅屋只三楹。過水隨牛跡。穿籬聞犬聲。溪山高士意。蔬米老親情。寂寞真甘得。多時不入城。

左氏山居新笋

此徑昔栽竹。亂來無幾竿。茅從今歲葺。笋趁老夫看。拔地蒼苔破。參天碧玉寒。庭前盈數畝。觸目是琅玕。

出山纔十日。清翠遍山隈。似少去秋雨。應從前夜雷。迸生疑有怒。競長是誰催。飽盡平生眼。行吟日幾迴。

生意難拘束。縱橫不作行。斜穿寧避石。直過似無墻。空地補偏得。閒園侵欲荒。安排消暑處。吾意已先涼。

流水綠新竹。平生生意在。茲忽驚青箇。已漸覺影離。土僧親見抽。梢人不知坐。來光可飲睡。足茗香時。

日開集 卷之六 五言律 三

與易堂

頗恠貧。管好還。憐老竹。根雪霜。經歲月。雷雨長。兒孫犢。角一時。銳龍鍾。幾箇存。池邊吾手植。料得滿家園。

訪張齡若不遇

北山有逸士。相訪每相違。陋巷無多屋。居人共一扉。客來題壁滿。僮應在家稀。為問比鄰叟。經時夜始歸。

贈孫小武小成昆仲

觸目通家彥。傷心汝弟兄。因君尊父執。覺我負交情。震澤曾同難。閩關是再生。艱難經百折。慎勿墜先聲。

過祝山如出示新詩

東門城口開。中有逸人居。一徑入深巷。蒲牀堆異書。茶從僧轉覓。酒為客長儲。佳句篇七好。名傳豈待余。

冬夜同方子山子安田伯素伯孫小武小成陳大

敢矜風雅。伯難處老。纜知諸子才。皆大吾鄉調。不卑細求五字。法小構一篇。詩數首。皆古人所絕。少詩不如古。

亦以試建詞壇。幟中原抗者誰。此亦以試建詞壇。幟中原抗者誰。

哭胡臨海子兌

送君榮太日。握手覺心悲。病勢人傳久。除書客見疑。除見猶未。知其歿也。孤兒扶襯。日老母倚閭。時割俸編詩。願

同鄉更伏誰。刻龍眠詩學。

同于廷子山潛伯武子飲城外小店田伯素伯臥

公威公大匡隨至漫成

野肆東門外。軒窗面七幽。偶然尋酒伴。何意聚名流。小飲豪奴笑。深談店叟愁。市人不敢入。稽阮在鑪頭。

孫易公信到

忽承孫楚訊。云是武功。同舍還誰在。孤心益自傷。三年端水楫。兩夜白門牀。與亂後同宿者兩夕下零落南來雁。如今又斷行。

又得陸漢東信知到金陵即回

昨歲江城聚風流。二妙才如何。三載別獨見。陸生來客路。潮陽遠公車。白下回橋西。訪舊宅應恠。少人開。寓大

市橋西漢東魯過其處

水邨即事示諸從子

卜宅依先隴。桑榆水上邨。牛多深巷海。爨密晚煙屯。野渡遙通市。疎籬不設門。一房三百口。強半是諸孫。

節令看將近。湖田未肯荒。雨多防壞麥。寒總不成秧。牛力侵晨猛。人工迫夏忙。家也兒采藕。足濟半年糧。

昔人分占地。已是百年居。力作纔堪過。游閒少有餘。水邊難恃稻。田脚亦關魚。吾意傳家法。朝耕夜讀書。

近水山都小。穿湖路盡通。帆低歸浦雨。傘敵到家風。門繡蒼苔溢。堤號老樹空。全家生活計。多在蓀苳中。

見說土膏動。今晨人下田。蒲抽三尺劍。荷卷一溝錢。買吏防增稅。迎神特問年。曆圖全不驗。可是暮春天。

小雨淹旬日。新晴杖可扶。山藍為對岬。井脉自煎湖。隔

水農相問。栖田鳥暗呼。破烟撐艇去。半是白頭儒。
 簷溜何時住。春泥不肯乾。子孫如此衆。屋宇那能寬。
 草澤收牛早。秧田護鴨難。衣棉脫更著。早暮覺全寒。
 天陰無早晚。又見暮炊時。狹路牛行讓。閒田鷺起遲。
 山名方語誤。水影釣船知。眼前諸俗事。盡可入新詩。

過老鸛庵

野路通精舍。山門對面疑。客從林際下。僧在竹間窺。
 石磴到須坐。好房開始知。師徒欣接待。剛是焙茶時。

過庭玉雍產邨居卽事

牛屋重。架湖田。面。青船成。下水試網晒。過山腥。書
 靜人皆出。宵勤戶不扃。移居凡幾代。頓有百餘丁。

吾愛堤楊下。家。繫小船。一門工射鴨。四季得烹鮮。
 野茨堪充飯。池蓮亦值錢。蕭條憐二子。轉覺廢書賢。
 一邨皆可過。生計在湖濱。爨密居疑偪。產多分亦貧。
 荒原無棄地。深巷少閒人。暗惜詩書種。休令此澤民。

夏日園居禱詩

共羨炎蒸日。吾家萬樹中。巷涼微有氣。午熱轉因風。
 睡賴看書引。吟惟卽景工。小船常入市。河路幾時通。
 竹間門不掩。襪少相尋。牛賴汚池臥。蟬移遠樹吟。
 忘饑看稻出。耐暑喜苗深。獨有澆花客。私懷望雨心。
 竹窗無日色。吾意欲移床。雨轉東頭散。風沾北氣涼。
 井寒思洒簟。房濕勸焚香。不是眠多遍。寧知晝許長。

世事無吾分。新聞不願聽。尋巢還雀殼。破網救蜻蛉。野
 店人情詐。農家草藥靈。施茶有功德。慎勿令僧停。翻書草
 自是山人性。偏耽水屋居。稚孫央放學。小婢竊翻書。草
 淺鷄捎蝶。禾深鴨咬魚。入城無一字。真在世情疎。
 總無身外物。斗室即堪容。檐鬪新來雀。窗吟欲出蜂。酒
 移旋變味。茶盡吝開封。氣愛湖心菜。兒童日采供。
 小院經時到。閒關滿地苔。愁階虫不忒。移屋鼠先來。茶
 子如期出。瓜秧過節栽。宅西門向忌。且為有風開。
 縛棚初不蓋。滿架有藤蘿。近市瓜蔬賤。通邨麥飯多。菱
 溝鋪舊錦。和浪熨新羅。辛苦南莊叟。桔槔還唱歌。
 餐飯應從減。深憐鬢婦炊。鷄栖日午樹。蟬接夕陽枝。蛛

網罟終日蚊雷鬧。一時松濤聲不下。何處有微颺。
 竹樹陰非薄。人來乍覺涼。無風雲突兀。不雨電張皇。艷
 面田蛙坐。聞聲水鳥藏。把竿呼釣艇。吾志在滄浪。
 行止無多地。身心祇自寬。慢沾螢火小。書夾蠹魚乾。頭
 爽僧新剃。眼昏曆倩看。詩成吟數過。急索諷人難。
 秋邨八課

獲稻

今年秋較稔。隴稻一時黃。得暇先完廩。占晴早築場。鷄
 豚開柵喜。婦子合邨忙。即擬輸官稅。寧期卒歲糧。

釀酒

新酒通邨熟。吾家釀屢催。撇嘗頻就甕。看煮自持杯。到

手能無醉。封頭誓不開。菊花久窸好。畱待故人來。

捕蟹

月黑江頭火。邨中捕蟹歸。綠沙籠炬密。上水結罾稀。筐以經霜滿。螯知食稻肥。久拚持殺戒。為爾願還違。

移菊

山人傳善本。栽泐乞僧家。何必種求異。且圖籬有花色。中黃自正。藥裏白為嘉。老本希明且。宜容霧早遮。

除架

青匕原上架。采摘不時需。祇在籬先弱。宜知蔓早枯。花稀空見惜。用盡若為扶。遲暮應相棄。毋勞歎老夫。

掃葉

秋山不可掃。秋葉掃還吹。路沒人行少。林深犬過知。豈惟除竹徑。亦以佐薪炊。吾意紅堪惜。堆來寫近詩。

葺茅

農隙爭乘屋。秋晴趁好天。葉紅堆處爛。蘿碧補時牽。免濕齋厨火。期安雨夜眠。家人思換瓦。此志慰何年。

篝燈

門扉向夕掩。燈火入秋清。篋裏藏團扇。牆根覓短檠。雨窗挑綫暗。涼壁照蛩鳴。老本難深坐。空慚永夜明。

秋邨八聲

雁聲

江南秋未半。已覺雁紛飛。沙渚誰驚陣。關河乍失群。排

空天欲暮。叫月夜初分。惟有羈愁客。樓頭最早聞。

蛩聲

蟋蟀聲難斷。千秋此夜深。漸于牀下語。合在壁間尋。處處愁人耳。年年也旅客。心天機依物候。豈是爾能吟。

蟬聲

秋蟬嘶漸弱。惟覺晚來悲。遠樹初吟處。前邨欲歇時。意侵寒露怯。聲送夕陽遲。合抱枯枝死。淒涼更聒誰。

葉聲

墜響空階靜。辭柯一葉乾。無風吹地走。不雨打簾寒。已覺掃堪惜。還憐踏欲殘。掩門深坐聽。山路正漫漫。

砧聲

今年寒似早。已聽搗衣聲。塞上何時寄。關中此夜情。拂砧心仔細。調杵恨分明。空感居人耳。征夫迥未驚。

春聲

江田收穫少。所喜碓初喧。杵急雨中屋。春疎月黑邨。聽芻于夜靜。聲只在籬根。燈火依微處。人家已閉門。

紡車聲

農事經秋少。婦功入夜新。繰車聽太慢。絡緯語來親。分照憐同伴。聞聲和隔鄰。莫愁膏火盡。自有代然薪。

讀書聲

何處書聲好。茅齋秋夜深。烟高孤鶴語。月澹一琴吟。自何靜中聽。焉知讀者心。不拘誰子弟。吾只喜清音。

梅花詩

自乘空山秀。非由處士栽。黃昏餘雀啅。深雪少人來。懶
 與芳菲競。聊于晚暮開。道傍無識者。翻謂被春催。
 春信眇無緒。荒烟空滿林。偶然臨水見。慚愧遍山尋也。
 識冰霜意。誰窺天地心。歲寒同調少。惟許老僧吟。
 生意梢頭小。枝條亦自嘉。碍檐妨剪折。在野任橫斜。
 角稀疎蕊籬。間冷落花上。林無處著。只合老江涯。
 幽芳禁不得。嚴冷最相當。月澹餘清影。霜濃覺暗香。肯
 為羗笛弄。空想漢宮粧。欲折誰堪寄。休開驛路傍。
 離匕壓殘雪。脉匕照溪濱。一任夜無月。何妨天不春。芳
 華憑俗賞。風味與誰親。祇覺閉門後。徘徊似有人。

北風吹不折。兀傲小窗前。弄影窺山鬼。品香亞水仙。好
 沽邨酒醉。合照道人眠。楚客辜芳遍。遺君世外傳。
 何代花纔著。風人咏者稀。不妨逃作卒。寧取號為妃。夢
 亦尋高士。魂應著綺衣。時蒙野外訪。半是凍僵歸。
 落葉殊無賴。含苞今滿柯。移根避烟火。受命在岩阿。豈
 必天寒好。其如歲暮何。輸他松樹老。還覺此花多。
 何處花先放。向南三兩邨。未春天似夢。徹夜月無言。且
 喜昏鷓散。毋嫌翠羽喧。衆芳久寂寞。賴汝照乾坤。
 風雨自吾分。時逢此夜晴。耐寒殊不苦。著色揔成清。霜
 已凍無縫。雪惟翻有聲。俗人爭解惜。應是慕虛名。
 小築東果庵。兄乞石礎口號。

小築依山麓經營基始平煩君致石礪爲我奠松楸土
木功全賴棟梁任不輕異時占礎潤風雨憶君情

微雪

昨夜風如此能無一寸深積陰凝北戶輕素抹高林晝
短日光薄家貧寒氣侵梅花消息早也索杖藜尋

冬夜不寐

酒醒夜纔半爐埋火漸微嚴霜欺襖被缺月瞰門扉世
界天寒靜人家歲暮稀遙聞犬吠多是納糧歸
以是今宵冷新泥草舍溫雁聲疑帶箭虎跡直侵門
空林響醒挑穉子言鄰鷄啼隱尚隔幾家邨

田間草廬初成移居

結構三間小經營兩月多堂應延野老壁合掛漁篋元
亮柴桑宅堯夫安樂窩不知茅屋趣于此定如何
堂隅藏斗室開取向南窗墻壞遮憑樹山圍缺見江遠
鷄晨隱心高雁夜雙心擬作課孫塾餘年第一樞江
到處家頻棄故鄉初有廬差強于客舍大半似僧居店
近賒零酒河荒望小魚鑿頭藏壁後親種一畦蔬
柴扉不擇向只對遠峯開日月當門出江山抱屋來入
林惟少竹湍徑自生梅已訂墻東爰求根密心栽
草舍工纔畢貧家力已殫爲畱樹不忒遂使屋難寬吾
臥且粗穩兄栖尚未安小厨嫌太逼幸自儉盤餐
累旬傭土木衣敝屨頻穿開困無多米看囊剩幾錢未

防冬事逼且得雨中眠祠宇規初定成應在隔年

縱目

清秋閉縱目時復過東臯潮上溪流轉江明水面高遠
帆疑不動深夜似聞號小艇乘風進舟人豈用操

田間雜詩

農事吾曾學園林况可栖犢需三社教田過九天犁雪
少春無雨霜濃晴有泥麥苗先後種出已一時齊
茅茨松竹裏編棘偶為園水落旋成徑烟孤不入邨老
惟能讓事躁未免多言薄俗真難見吾生合閉門
水落塘邊路終朝踏葉行昏鷓爭有故過雁急無聲吟
苦渾忘老詩成豈為名偶然得佳句似構自前生

近會居家法安貧豈是癡無燈眠太早借米飯常遲煖

老無需玉調脾喜帶飢晚來圍被坐饘粥氣相宜

世法終難學時流不可親自知饒舌慣常觸用心人醉

恐難頻怨交防太率真通身無俗骨只合守長貧

借問江邨課冬來事未休因編籬罵犬為護麥驅牛嘉

樹尋人接好花用意謀茶鏞不斷火松子亦親收

世界窮如此吾徒更可知兒愁催稅吏孫失授經師飯

少煩春細爐寒勸起遲問年纔五十底事鬢成絲

小構冬難畢籬疎且補柴過炊畱犬飯減米打僧齋老

矣粗堪遣安焉不敢懷似忘行脚苦又欲理芒鞋

長夜不能寐多年祇獨栖心全為易耗時復著詩迷鴟

嘯常疑鬼兒啼直准鷄放閒無別汰惟有醉如泥
 自問田間老何如藥地翁無可師早誅茅庇雨碎補衲遮
 風是事耽吟廢凡心一醉空讓君成苦行不必又雷同
 入冬纔數九已動苦寒情霜重天將變風嚴晚欲晴群
 鷗旋不下野鴨陣成聲聞說梅花綻前邨冷怕行
 小港通江路到門祇見山客因迂道少身以背時閒藥
 物慵能損酒錢零易還生涯一字訣惟學子瞻慳
 一陽生幾日生意覺全微日短抄書少邨空問字稀帖
 天鷹漸沒困雨鴨知歸自向田間老毋勞辨是非
 野外閉門早窮冬似不寧夜長鐺火慢天黑壁燈青兒
 語嫗能省鼠行狸會聽偶然思小飲已覆掌中餅

江邨無事叟世界不拘身老大惟防病交游厭說貧閒
 常如作客傲為懶求人時俗憑他假何妨獨任真
 已辦開年酒安排不出門紙糊通屋煖衣覆半牀温醉
 後求壘汁饒來煮菜根親抄工部律窗下課雛孫
 祇慮樵蕪乏須防雨雪霏婢遲捫虱應僮冷捕魚歸夜
 坐看裝絮晝眠待浣衣一編詩過日徙倚只岩扉
 莫管兒孫事求安只此身荷衣鮑著舊菜甲喜嘗新犬
 避常來客鴉馴久住人殷勤憐小豎殊不厭家貧
 炙背攤書坐人來藉杖興魚喧經過懶雛護側飛鷹晝
 暖眼生霧夜寒鬚有冰詩成多健忘落稿卽時登
 鹽米看將盡人情况逼年寒凝烟不起陰壯火難然犬
 日開集 卷之六 五言律 十三

日昇集
怨厨荒坐。猶貪席煖眠。一裘思換布。指望賣文錢。

樂易堂落成

傍墓三間室。還家十載情。投閒非避世。鍵戶且偷生。身
老居。互煖眼昏窗欲明。西偏虛斗室。住我白頭兄。
清淨同僧舍。吾名樂易堂。羲經爲貝葉。神主代空王。粥
飯時鳴磬。晨昏每炷香。琉璃通夕點。一樣佛燈光。
尺寸經心出。堂成未覺貧。新泥墻不聖。勤掃地無塵。就
砌安茶竈。邊厨作米因。歲荒難設酒。粗飯待交親。
頽垣互補築。不許路經門。梅信偏疑早。松聲亦厭喧。當
風開北戶。看月在南軒。檻外辛夷紫。春來萬朶繁。
戶外田須廢。開池細引渠。擬添臨水檻。題作製荷居。窪
淺多栽藕。溝通好畜魚。客來垂釣取。亦可佐盤蔬。
建祠通邑議。經始廿餘年。多士名應紀。中丞額尚懸。庚辰
先君子歿合邑士人請諸中丞鄭遺書藏有室。供祭稅
潛庵建特祠中丞扁曰君子儒宗

哭仲兄湘之翁

不見吾兄久。存亡迥欲迷。孤兒謀食太。寡女閉門啼。竹
補常來徑。蔬荒舊種畦。安仁脚恤處。今日與同栖。
斗室栖身處。叩門日幾迴。詩成背客寫。茶熟盼余來。衣
篋分都盡。書箱鎖未開。半年不忍到。雨滴一房苔。
頻歲風波惡。行藏苦勸余。也知兄漸老。特構屋同居。龕
設將供主。窗分擬讀書。落成曾不入。半壁至今虛。

偶然作

未肯持齋戒。何心出世氛。在家難斷酒。垂老賴茹葷。妄
 想無時滅。訛言亦喜聞。倘能真不碍。僧俗可須分。
 去歲灰堆裏。無端忽破疑。卽今心不死。深悔戒互持。痛
 處偏知護。安焉詎肯離。此中全了也。只是自相欺。
 叅禪難得力。知是病根深。熟處愛難割。閑中閑自尋。未
 能終日醉。猶賴逐時吟。不信宗門老。全無雜用心。

後偶然作

靜夜觀心坐。問渠觀者誰。衆餐余亦飽。魚樂客原知。佛
 恣惟言覺。禪家每勸疑。不勞相勘驗。吾自得吾師。
 近得羲文旨。無心更學禪。物情緣底滯。天道看來圓。路

盡處偏轉。新窮時自傳。騰也吾任運。不用燭幾先。
 大易咸爲感。仲尼聖在時。本無心足用。寧有物能欺。天
 地原由我。鬼神更是誰。點胸吾自信。底事問人爲。
 一貧遂到骨。得意向誰言。始覺身心樂。皆承患難恩。厭
 人談佛法。肯自斷名根。世界無窮事。還憑妄想存。
 百歲行將半。吾寧誤此生。是非誰檢點。得失自分明。世
 汰隨緣去。詩篇看興成。眼前無一事。何處可縈情。

寒夜讀書漫興

把卷不能寐。爐存火一星。古人書具在。今夜客初醒。孤
 月指邊見。震雷覺後聽。六經吾注脚。何意更談經。

南華

南華吾熟讀世故老蒙莊怖死情偏切謀生心亦忙言
因無用大身為好名藏攘臂支離裏何人窺短長

相應

鬚髮吾寧碍衣冠世共憎偶然欲免俗何意遂成僧問
泐人難賺傳經我亦能置身緇素裏無事不相應

秋夜過陳遐伯雨窗茶話

小院茶鐺沸山人客未貧丹青一代手智慧再來身掛

壁燈光暗吹窗雨響新夜深談不散吾近在比鄰

揮毫縣左腕一柱此鍾奇陳潛山人有筆墨人皆好談

諧我獨疑傳家多絕藝隨意有真詩恠煞龍眠客偏稱

老画師

五言排律

重九夜集默公長干寓齋燈下看菊同小范得花

字

城郭人初散山亭日易斜未酬佳節興同集老僧家鐘

閉三門月燈開滿塔花報霜新雁遇警露草蟲譁佛案

橙新摘經牀菊始華暗香迷次第澹影亂交加鈴警栖

檐鴿巢翻定夜鴉共傾元亮酒獨試遠公茶飲量窮全

減談鋒老漸羞悲秋都不必吟醉是生涯

雪後同星卿訪旭公碧峰寺即事示七處

僵臥依衰柳行吟伴老翁屐穿蔬圃外扉掩竹聲中擁

被僧殊瘦尋詩客盡窮雪畱如有待冰裂乍疑融野徑

日開集卷之六五言排律十六

荒_七白_七山門黯_七紅_七奔騰群馬戲鳴噪晚鷓鴣叢煖憶澆
胸酒歸迎劈面風菜稀知市貴麥壓望年豐趁凍愁街
滑防泥覓巷通寄聲朱七處此意西難工

望鍾山

靈谷身難到雨花眺最悲已無千歲鹿空泣萬年枝寺
閉秋聲裏峰明夕照時寢基樵徑破野燒牧奴遺碑說
磨刀戒笳聞收馬吹孝陵圖本在一覽一妻其顧_{崑山}

人墓有圖本

金陵襍咏

寺嚴游女禁今見往來頻入院車偏熟穿林馬亦馴茶

湯前內監星卜老遺民栢樹枝多死南廊僧斬貧信

惟道媪護恣仗時人大殿工將起梨園賣戲新長干

荒臺游不改迥異廿年前路口牛車塞山頭毳帳連歌

難按舊拍囊少帶閒錢酒店經時剪茶棚逐處遷勢官

矜顧盼詞客鬪詩篇獨羨輿人醉_草上眠_{雨花臺}

春市家_七出粧成壻喜無樓須多日定衣是隔宵租勒

馬情空注窺簾色盡殊官裝新北調民俗舊南都綵仗

排班少擅裘奪路趨_七神荆棘繞吁駭問農夫_{春市}

閭閻猶似開世事已全非官在微行傲市因強買稀念

珠尋蠟珀時服重毛衣索看成交少間攤問價違殘書

愁客檢贗面聽人譏獨見遼陽叟牛車載貨歸_{燈市}

伊昔狎游地經過亦可傷鷓鴣殘粉壁燕壘落雕梁客

到談遺事兵來說空房故家多脫籍前輩盡從良問姓
新移住知名別處藏敲門不敢應愁絕是邊裝舊狹邪

仲兄初度日偶成四十韻

青山招隱地皂帽灌園翁筋力天私健門庭齒龍崇甲

栖羈客似獨宿老僧同飽肉資兒俸供其費女紅寡女有

以針緝我庵黃葉下兄臥白茅中容膝纔如斗遮頭略

比蓬屐乾晴怕脫書爛濕頻烘夜榻施檀覆秋燈著紙

籠誦因無本熟句以不眠工警寐聞蘆雁聯吟伴草蛩

題枯思曲折字細眼矇矓入世嫌腸直居家幸耳聾酒

惟呼弟飲經必遣孫通擔糞看粗媪為牛弄小僮判芻

宵喂蹇除架早栽菘鄉里衣冠溷樽罍餅餌充毋輕開

此口切願反諸躬事到手殊棘人知心尚蓬馳驅焉得

已敢吸漸難雄且喜荆猶合休嗟桂舊叢嶽連慚二室

行斷剩雙鴻險韵詩夏和佳辰杯肯空霏微吹座雨明

滅隔江虹方竹裁斑杖圓荷截碧筒英餐初墜菊曲奏

半焦桐自得貧居趣何須生計豐七旬來鼎心百歲過

匆心莫任怡成性應拚講習功叅禪隨意坐學易與身

終祠屋穿三架瓜田廢數弓晨昏依木主清白守家風

樹色窗朝北湖光戶面東乘涼颺習心曝背煖融心怒

物銷間怒齋心息內証擁爐圍襪被篝火映簾櫳音籟

由天發頭顱任雪蒙豈徒寧喘息兼以課兒童祖德時

時說遺編世心攻少年能聽順長者亦虛公即此真安

卷之六

五

律

八

與

全

田間集

卷之七

江上錢澄之飲光藁

七言律

江上有感

先

不宿汀洲踰十年
水禽煙樹各依然
烽臺榜署新軍府
汛地旗更舊戰船
估客暮占風脚喜
漁家晝迎浪頭眠
江天事事渾如昨
回首平生獨可憐

阻風磨盤洲

歌

北風吹雨阻江沱
鷗鷺連天起白波
沽酒蘆中尋店客
買魚沙上喚船過
土音漸覺鄉關近
客載惟逢米豆多
向晚蓬窗眠不著
隔檣愁聽健兒歌

亂後江程估舶通千檣泊
路口神栖破廟風梅福
行吟忽有僮童識猶詫

皖城

皖公城控大江流萬里人歸

網船親戚共張鈞老兵賣酒鑪難問
徒倚關橋相識少黃昏鼓角迴添愁

樅陽

樅陽市井倚江開小港寒潮日暮來
駟豎遠迎舟楫問
羈人暗雜客商回鄉音三聽兒童喜時事初傳父老哀
好望邨煙尋路去到門應是舉家猜先遣兒子

到家

辛苦天涯願已違江邨重返舊柴扉
十年事付游仙夢
萬里塵侵學佛衣門巷改來松桂在庭階認去弟兄稀
相逢莫訴滄桑恨猶勝令威化鶴歸

傷逝

學道念情苦未忘蒲團空炷夜禪香
回思虎口真偷活
每痛龍髯罷悼亡老嫠尚畱分寄篋癡兒還指舊扶牀
無端一案當階棄憶爾雙眉淚幾行

喜雪

年年臘盡滯天涯白首生還度歲華
炎海人歸初見雪
煙邨樹死半開花巢低老屋漁翁宅竹亞柴門處土家

日開身
暢好江天
互極目晚來峰頂
杜堪拏

相持莫便當
御哭為到郊原
一放聲
君向著
江南何處行
瓢笠喜無鄉
里識鬚眉
猶使故人驚
遇曾庭間
燕陰市上
爾轉傷情
我從嶺外
經年至

赭山懷古

春游無伴獨躋攀
北狩曾聞駐此山
燕領血凝芳草碧
靖黃龍髯淚滴野
花斑奸臣誤主危
時遁遁客捐家晚
歲還余以黨禍商估
渾忘朝市改滿江
帆落泊蕪關

訪沈惕庵邨居

閑鎖高樓野外居
故人相訪暮春餘
水田泥濁調生犢

山路又多信
跋驢屋賃半間
栖劍客窗存破硯
寫方書

嶽僧近自湖南至
又過城隅給米蔬
魚

夢回鈎黨痛猶新
同楊庵與余握手
相看萬死身
滄海變

餘吾道在青山
別後舊交貧
放聲歌哭無多處
開口笑

談共幾人鄰舍藥
欄花正好却緣底
事獨傷春

俞缶庵藥室

十年歎世老鬚眉
賣藥城西志可悲
方未施人為養容
學因多病竟成醫
買松深護巢僧夢
窠井驚聞橋叟棋
癡絕半生坤俗棄
惟餘此道合時宜
穿

萍踪底事滯江鄉
半醉開衣指箭瘡
新傍清溪租藥室

許畱老衲設繩牀
壺中有粒難除癖
肘後何方可愈狂

日昇集
卷之七
七言律
三

每恠婆心偏爾切。原師我佛大醫王。

俞曾為金山僧

過羅梨柯廬居

憶昨追陪劍水傍。鄞江變後苦相望。風霜偏老支牀骨。涕淚猶盈泛海裝。調疾雨中糊藥室。飯僧松下啓齋房。柴桑倘遂平生志。馬隊讎書應不妨。

訪湯玄翼郊居

高士新租圃。解居春深廡。下夜春疎。閒尋碑石。讎難字。喜過街。廛覓異書。病色祇疑禪。定起談鋒偏。洽茗香初。清詩忽被詞林賞。博得鄰園五斗糲。湯有詩為吳詹事所稱。贈書其同年。

五月給米五斗

泊銅官遇武水戴子倉卒相識說嶺南事得素臣

我貽近狀

江船夜泊銅官渚。幕客春從庾嶺來。姓字久逃方外變。鬚眉老被故人猜。瘴泖梧毳情偏切。烽鎖梅關望不開。却喜御風存二子。片帆天遣幾時回。

聞林樹本客死蒼梧

梧雲嶺樹不堪思。此夕遙傳萬里悲。客與最濃聯舫日。交情偏篤避兵時。家浮瘴海朝迷渡。雨聚蠻邨夜賦詩。我出網羅君竟死。天涯誰為護孤兒。

寄彭孔哲刺史

蒼梧使者重交親。鄉曲情從異地真。囚首江亭逢候吏。吞聲官舫慰纍臣。榕陰深護危巢卵。曼公息客家俱借庇海氣遙

騰破網鱗別後烽烟未全息。庾關西望幾傷神。

梧州城踞夾江沱。亂後因君得再過。津市煙銷殘竹瓦。

山樓月落起蠻歌。飲除水井泉源少。候近桃花瘴癘多。

嶺路漸通人漸散。獨畱高寺老頭陀。曼公為僧掛錫雲蓋寺

輓蔣誰庵司徒客死長干寺

煤山變後幾人髡。破衲年年滯白門。鈔法萬言前輩重。

往遇熊魚山先生極贊其妙書生一命烈皇恩。文壇于我知偏早。

少相時極知僧籍推君臘最尊。古寺繩牀回首去。逍遙不用

賦招魂。元

暑中走椒嶺省方氏姊示諸甥

十七年前椒嶺路。短驢疑在夢中行。兵烽幾度門無徑。

靈雨初通澗有聲。得雨早。牛屋半楹啼寡姊。蔬盤一夜費

貧甥老來萬事心。灰盡益重人間骨。月情。庫

送別曾青黎入楚

百粵三吳萬里經。游踪不為大親停。曾有大母難兄西

邁穿秦棧。方令兄庭。聞令弟南趨過洞庭。歲晚江深孤櫂

遠天寒氛淨。九疑青同時鷗侶如相問。說向心灰似管

寧。

夜歸

江上霜風吹客衣。菰蒲艇子夜深歸。征鴻暗叫尋行度。

野鴨齊驚破陣飛。近水林巒行去失。遠邨燈火望中微。

大聲出屋春聲歇。知有人開竹裏扉。

長河堤上同家兄舍弟口號

稱護江邨秋色闌長河水急客心寒
官路纔通酒店殘柏葉吟風紅的的
廿年攜手行歌地滿目淒涼掩淚看
潮流漸細魚層密
蘆花吹雪白漫漫

澗漕後山晚眺

湖上冬晴湖水平夕陽山色遠含情
數家牛屋參差住
一葉漁舸次第生月架斷崖迎面起
燒連荒塚隔溪明
遙遙犬吠寒林外華子岡頭聞豹聲

水厓哭方子畱

已矣方生恨莫伸傷心不獨為交親
自憐萬死畱殘喘
底事終年哭故人供佛有盧工未竟
課奴為圃菜方新

帷前乳母哀哀訴弔爾偏逢初度辰

太歲白門亡蔣詡今年東海失方干

子畱客故鄉漸覺

同人少吾道惟互野死安塵世本愁天
夢夢泉臺更恐

夜漫漫遺編一半垂危錄筆墨淆訛不忍看

得彭然石書信

瘴海星飛去莫攀書來猶說在人間
馬嘶郊甸圍棋散

善奕石烽鏢關門托鉢還燈火夜聯江上艇
詩題秋共粵

西山天涯暗哭張巡淚謂別準擬開緘尚有斑

澹歸江上過寄訊云為益頭僧八月矣
頃從廬山

來期余長干聚首忻慨成詩

鑪峯何意跛能登舊稱跛消氣初疑尺素憑
早信皈依

日開集

緣詢佛澹歸昔以詢佛為天然但存血氣總為僧相期

塔寺尋方丈怕過鍾山望孝陵來往吾廬江上近扁

舟底事與難乘鍾山望

蒼苔雨過跛驢艱破寺城南獨叩關松徑已經兵後毀

竹房疑向夢中還霜刀新剝頭嫌冷東硯頻呵手未聞

擁被夜深談易理與君耐可老青山

金陵卽事

秋山無樹故峻嶒幾度支節未忍登荒路行愁逢匹馬

舊夜老漸變高僧鐘樓吼南朝寺佛塔還然半夜鐙

莫向雨花臺北望寒雲黯澹是鍾陵

城郭人民迥未移夕陽鼓角不勝悲屋檐幾處添宮瓦

石路何年踐御碑祠廢已無官樹禁寺荒端為賜田追

酒樓遍唱關東調誰聽秦淮舊竹枝

日落荒祠鷓鴣亂鳴蒼苔道滑少人行為尋鐘梵趨投寺

怕觸車塵戒入城野老善談亡國事山僧猶唾賊臣名

周雷碧血藏何處欲向墳頭哭一聲康

鍾山依舊有雲封宮監孤忠尚荷容報國獨存千歲晚

護陵猶守一株松休從廢地占龍氣敢憶深林見鹿蹤

方外小臣曾未到幾回落炤哭秋峰

金陵佳麗已全非十一年來識者稀山色清秋停蠟屐

人家白晝掩雙扉練鎚小婦排門入務面群兒放畜歸

日開集 卷之七 七言律 七

城北酒狂還認得

謂李

為憐衲破解寒衣

畱別純水僧舍

鞋穿衲破苦霜濃
開士團瓢許暫容
院廢獨存三徑竹
山深空記萬株松
爐香防燼常埋火
道侶無人自打鐘
此願佛天應不負
任教蛛網滿龕封

白鷺洲贈胡次公

最憐開國舊諸勳
休戚同時尚有君
早棄賜田鄉黨笑
獨畱陵屋子孫分
麻藏枕匣宣宗詔
瓜覆園門公主
貴時向市曹收死
爰親為裹革厝江濱

哭何薦生

山路蹙音半歲稀
誰憐垂老淚頻揮
年來屈指交青盡

海內灰心吾道非
得病兩內長夜酒
遠游為救闔門饑

田疇草莠荆扉掩
祇似中州去未歸

篤生在洛陽一
夕大醉遂得病

北歸趨問維摩疾
強起堅邀老爰畱
紅稻春來炊旋熟

碧蛆傾出酒新筍
却看鬚鬢驚全變
為向交游說漸瘳

我公白門君厭世
誰知此別是千秋

小年夜傷懷時
家兄幼安新喪

夜向新墳哭數聲
掩門獨坐暗傷情
素琴欲鼓音先盡
春草將生夢不成
折翼那堪多難日
斷腸惟對白頭兄

謂仲

三年撥火圍爐處
幾度循牆尚擬行

哭家兄幼安

霽雨淹春春不晴
春晴幾日已清明
酒澆新塚無人跡

庭掩靈帷少哭聲陌上農忙爭播穀枝頭鳥鬧早催耕

野花墻角邊山路獨欠吾兄課種行原

亂來早棄舊青壇減盡平生興可憐原城市十年蹤已絕

西南萬里眼空縣病因身死方知篤里以人亡始歎賢

好爻夜臺先作主論心猶得慰黃泉生兄所善何篤先

四十纔過已倦游詩狂酒態一時休也聞多病偏匆壽

底事當歌不解愁入俗常防兄弟笑問田深諱子孫謀

臨池擬構三間屋枕被同牀願未酬右

峽山

峽山西去路初平每憶吾兄並馬行墻角野花開撲面

十六年來無限恨寒驢獨叱不勝情原斷黑上關防有虎

山邊草徑已成蹊野火燒餘碧未齊原市井重遷舊址迷

侵星炊飯罕聞鷄酒家新占居民少原

人跡較稀車路淺馬蹄不濺尺深泥右

左氏山居感舊

郭外諸峰久見招西溪流漫雪初消趁晴不策衝泥蹇

過淺都憑隔水樵綠竹已殘僧漸護青山無禁火頻燒

種田尚有遺民在驚我重來處處邀篇

餘生重作故山游枕被相期信宿畱廢館墟存為佃屋

前灘草舍改溪流把茅蓋頂初遮佛獨樹眠堤自繫牛

惟有昔年墻外水聲徹夜遠牀頭左

酬戴山民孝廉

二戴曾傳大小名，賢書遠慰豫章城。
余歸至南昌，聞山民之捷，重來
 白社尋安道，共向青雲哭子荆。
公謂振 令弟鬚髯增我老，
 故人悲憤對君平。多年不作鷄窗夢，為爾還深風雨情。

哭鑑在

吳生展轉桂林間，望見霓旌尚擬攀。
 已棄室家奔象郡，竟捐骸骨葬虞山。
 傳聞未定何時死，論志原知不肯還。
 笑我歸為鄉里賤，餘生偷得幾年閒。

同爾止子直不害訪瑤若山居得交字

同人有約隨魚艇，獨樹遙迎見鳥巢。
 白酒儘拚秋晚醉，黃花肯負歲寒交。
 池邊小閣新添檻，竹裏涼亭舊蓋茅。

安得比鄰成一老柴門來往不須敲

既送爾止子直不害齋中

送別同人夜斗寒，老狂無賴宿江干。
 篷窗擁被霜風緊，茅屋吟詩蠟炬殘。
 蟹火漸從沙脚出，橘香只在案頭乾。
 尋山句看篇篇穩，為爾書題壁上觀。

方貞述先生輓章

蛟臺夜見大星沉，淚洒樅江聽訃音。
 白首韋編三世學，青山木榻一生心。
 憶開笑口談佳夢，獨向私交示苦吟。

雅志未酬賚恨沒九原不負國恩深

曹山孝子已披緇，還著麻衣哭總帷。
 絕學誰傳康節易，先生易學斷腸難。

宗邵子 斷腸難讀放翁詩 每有示見絕句先貧來鄉
 卷之七 七言律 十

日
里猶疑假疾向交親忽似癡碩果晨星零落盡普天羸
得幾人悲

白鹿山中酬周農父

自失揚州史相亡幕中遺事話凄涼
還共龍山雨夜牀酒後不眠真老態
可憐高興多年盡獨有詩成興故狂
吾徒落落少交親老及逢迎涕笑真虎口
鷄壇剛可剩三人白頭見面休驚瘦赤脚還鄉賴得貧
近喜合明倡絕學謂無同叅莫負再生身

重九日友人見過

柴門住近大江涯有客追尋路苦賒
三徑葉聲高士履

庭山色老僧家茱萸正熟經秋酒
吾意詩壇今屬汝獨拚歲月註南華

寄題劉臣向山居

陶公祠側竹森森小構三間倚碧岑
借倚石崖當戶擁
安排老樹滿庭陰市囂漸作偷閑計
家足縣知勇退心
從此俗人都可謝白頭緇侶得相尋

田家苦

老夫生計苦疎慵學稼東臯擬自供
豈謂歲豐偏乏食
可知穀賤最傷農
掃倉不補御前費
減糶權酬庶下傭
為語家人休恨晚
禾或穀一冬春

辛苦莊翁已半年
自興東作廢朝眠
調停力僕私加酒

日
聞集
卷之七
七言律
十一

日。借。耕。牛。少。種。田。身。稻。盡。完。店。債。青。苗。先。抵。富。家。錢。

獨。憐。開。柵。鷄。初。飽。縛。換。官。鹽。何。市。廛。先。

陰。晴。不。定。屢。妨。功。辜。負。人。家。望。歲。豐。稻。已。登。場。淋。驟。雨。

禾。纒。垂。粒。損。東。風。欲。薪。老。樹。寬。炊。婦。許。製。寒。衣。勸。牧。童。

尚。有。水。田。難。得。穫。租。船。索。酒。費。無。窮。鄰。丁。倩。得。先。為。禮。

餐。飯。親。同。襪。群。沿。溪。植。杖。看。耕。耘。事。因。誤。後。獎。纒。聞。

頑。僕。央。多。轉。不。勤。農。到。老。時。求。始。約。鄰。事。因。誤。後。獎。纒。聞。

近。來。納。課。餘。無。幾。田。主。還。勞。屨。分。病。裏。託。僧。尋。草。藥。

歷。年。耕。稼。付。兒。曹。底。事。關。心。自。取。勞。米。賤。奴。思。棄。主。逃。

窮。來。賒。酒。向。新。槽。債。多。遍。善。迎。門。對。米。賤。奴。思。棄。主。逃。

自。種。南。臯。三。畝。豆。鋤。荒。蒿。長。尺。餘。高。米。賤。奴。思。棄。主。逃。

卒。歲。無。糧。且。莫。愁。糶。輸。官。稅。免。征。小。婢。鄰。居。引。客。看。耕。牛。

倍。入。錢。家。不。肯。收。暗。地。託。人。沽。小。婢。鄰。居。引。客。看。耕。牛。

明年。決。是。辭。田。去。還。掛。蒲。團。事。遠。游。鄰。居。引。客。看。耕。牛。

從。兄。叔。穎。六。十。吾。兄。躬。稼。此。中。居。開。荒。原。外。春。調。糞。

河。渚。桑。陰。覆。草。廬。吾。兄。躬。稼。此。中。居。開。荒。原。外。春。調。糞。

看。水。田。邊。夜。荷。鋤。堤。決。空。憐。栖。畝。稻。潮。來。還。望。上。醫。魚。

卽。今。初。度。無。新。釀。麥。酒。能。沽。亦。醉。余。生。計。拙。因。黃。口。衆。

何。來。遯。跡。此。河。濱。不。以。滄。桑。慕。隱。淪。生。計。拙。因。黃。口。衆。

世。情。愁。在。白。頭。貧。歲。時。置。酒。招。群。從。風。雨。攜。筐。餉。老。親。

兒。女。債。多。婚。嫁。積。何。年。纔。是。自。由。身。真。風。雨。攜。筐。餉。老。親。

園居示諸生

日。開。集。卷。之。七。七。言。律。十。二。樂。少。堂。

炎曦毒熱午偏加
 茅屋深憑老樹遮
 高枕肯輸元亮臥
 問奇虛擬子雲家
 溪邊潮長魚欺釣
 陌上風迴稻見花
 長夏授徒無別課
 獨揮羽扇講南華
 絺衣閑掛薜蘿墻
 新剝霜毛覺易長
 隱几靜聞南郭籟
 曲肱貪納北窗涼
 秋前蘭茁幾時放
 日暮荷翻何處香
 講罷七篇吾事畢
 晚來攜手咏滄浪

九龍庵卽事

竹色松聲引路迂
 蹇驢衝暑破薜蕪
 天邊雨過堆藍出
 檻外江晴匹練鋪
 半日見帆移岸否
 終年隔浦識山無
 不知犬臥緣何吠
 似有攀巖采藥徒

夜坐示水令怒飛二何生

日落荒祠暮色深
 兩行竹柏碧沉沉
 野煙忽合江無影
 細雨纔聞磬有音
 犬吠彷彿何所見
 螢飛來去似相尋
 端居不用臨書卷
 正好隨時看此心

新秋宿何氏山居酬玉成公度

小澗橫橋獨木危
 故人相逐蹇驢遲
 鷄栖桑柘通鄰放
 稻熟溝塍蒲路垂
 兩姓現存三世好
 雙星况是一年期

是夕老來兄弟難
 頻聚薄俗逢迎那
 得知

相距衡茅數里程
 偶來信宿主人情
 年豐穀賤田家窘

市遠農忙野店爭
 藥酒試嘗容易醉
 池鮮買得卽時烹

炎天門戶通宵啓
 可似吾廬大石驚

老屋山根數百年
 晚炊攢合一邨煙
 秋收驢向空田放

日曆集卷之七
 七言律
 十三

嗟君孀母吾丘媵，猶記靈均誕降初。示玉若魚

重修宗譜一山情，為補茅齋特地迎。毋養缺因邨館散

兒書廢有水田耕，知時不守儒生拙。多藝羞成術士名

在爾傾家營葬父，雙尖遙指是佳城。示長人康

白板雙扉晝不關，渚清洲碧盡迴環。膝邊兒寐春時困

田上兄歸雨後閑，向晚鷄栖喧柵外。合門煙暗壓林間

茅廬碍眼須全撤，自要巡簷看遠山。示庶長剛

五月江邨即景

長夏江邨未寂寥，莊家麥酒動相招。湖田水足嫌多雨

草閣窗寒怕長潮，稚子採荷包雀鷺。居人下食引魚苗

山邊早稻看將出，屈指嘗新一月遙。箭

柴門新縛豆棚寬，來往行人坐此看。荷葉值錢須護早

麥仁炊飯覺春難，流螢白晝潛瓜蒂。水鳥清江乳芡盤

時有農夫相問訊，分將常膳與同餐。案

今春累月滯湖鄉，歸日蓬蒿塞徑荒。滿架虫生趨晒藥

一窗蛛網慢開房，樹經手種私常看。茶自僧分急要嘗

便擬買船營水屋，明年須試養魚方。陽

蒼苔不掃地無塵，槐柳陰中枕篔簹。陳朝市共知今日熱

閭閻豈獨此鄉貧，倒乘牛背鴉欺豎。久立魚梁鷓狎人

何晚兒童泗水戲，寒來菰菜及時新。真

江流面面繞孤邨，老爻時招懶出門。攬鏡鬢驚連日白

註書眼在半年昏，晨看露水晴偏濕。夜驗星文熱最繁

日。周。其。炎。夏。始。知。新。法。善。數。莖。短。髮。賴。全。影。
 懶。慢。今。年。倍。昔。年。終。朝。行。坐。只。溪。邊。渡。頭。風。順。歸。漁。艇。
 江。口。潮。通。到。米。船。詩。興。偶。吟。佳。句。動。睡。思。長。把。佛。書。眠。
 草。蟲。墻。下。聲。聲。齒。不。到。秋。深。已。可。憐。睡。思。長。把。佛。書。眠。
 暇。日。行。田。草。自。耘。筭。來。三。夏。已。平。分。雞。登。高。樹。啼。驚。夢。
 牛。沒。深。泥。臥。避。蟲。錯。對。少。年。談。往。事。每。逢。遠。客。問。新。聞。
 柴。門。極。目。江。天。迥。忽。起。奇。峰。是。火。雲。文。每。逢。遠。客。問。新。聞。
 新。杉。細。竹。透。時。修。窗。裏。琴。聲。夜。更。幽。炎。月。晒。來。人。亦。黑。
 南。風。吹。久。骨。皆。柔。瓦。疎。入。夏。遭。梅。雨。糧。盡。經。旬。接。麥。秋。
 却。笑。昨。宵。眠。不。熟。雞。雛。放。出。未。親。收。九。

曉起

露。華。滿。砌。月。當。天。鴉。鵲。林。栖。各。悄。然。近。井。婦。喧。爭。早。汲。
 合。邨。人。起。說。難。眠。漁。家。款。乃。三。更。觴。汜。地。依。微。一。隻。船。
 本。意。追。涼。風。總。心。應。攜。童。稚。浴。清。川。九。

頓減

一。年。頓。減。舊。聰。明。記。性。惟。干。往。事。清。話。柳。忽。忘。思。總。誤。
 族。人。頻。會。見。還。生。加。餐。每。勸。脚。難。強。絕。欲。纔。能。體。覺。輕。
 多。謝。詞。壇。常。齒。及。可。知。折。福。是。詩。名。康。

纔晴

猛。雨。纔。晴。已。一。旬。稻。苗。高。下。綠。初。勻。鴨。歸。路。口。能。分。陣。
 鷺。立。波。心。不。和。人。天。熱。兒。孫。書。課。減。晝。長。傭。作。水。漿。頻。
 羨。他。赤。裸。騎。牛。子。日。浴。清。江。幾。遍。新。真。

近來

近來禮法喜全裁。老太疎頑世不猜。怕著衣憑梅雨裏。
懶收書任竹風開。習醫道士畱偏衣。載米鄰船望未來。
暑氣中人餐飯減。那堪河朔共傾杯。

力疾訪程浮槎洲居看菊

河上老翁住水涯。開門閑植一庭花。自憐好事能扶病。
為喜畱人故在家。檻外淺深姿爛熳。籬邊高下色交加。

與君飲罷身全健。酪酊無辭歸路賒。籬邊高下色交加。

躡策杖看花來。萬朵千枝次第開。乞種自矜垂老得。

問名還憶阿農栽。吳人蓄花多設冬晴早葺深深屋日

暮頻斟細細杯也。識主人珍惜甚醉餘莫插滿頭回

田間集卷之八

江上錢澄之飲光藁

七言律

秋夜宿松風閣示瑤星

竹樹深藏小閣偏。先生栖隱自何年。黃精好當三冬飯。
皂帽難禁九月天。燈掩長吁買酒窗明通夜炤。安禪。
濤聲驟起繩牀下。知在高松頂上眠。

閣上對雨有作

雨壓松濤萬壑鳴。窗昏不辨午鐘聲。破山路狹崩將斷。
荒塚蹊侵踏欲平。新剃白頭蒙被坐。耐寒赤脚化齋行。
老僧定起爐灰冷。可有詩成徹骨清。

冬夜雨花臺步月小飲

早臥天寒夢不成
清輝起我踏霜行
酒因偶酌忽然醉
月為窮愁特地明
塔火熒隨市氣隱
城煙白與暮潮平
水輪遍界無人見
獨上峰頭嘯一聲

暮雨示澹宣

小樓深坐雨中尊
戶外煙埋老樹邨
酒店下山難著屐
鄰庵分汲與開門
霜鐘杵細更初起
佛案香遲晝已昏
三尺奚奴畱不住
可憐炊飯累王孫

新逃奴元

臥雪懷瑤星江上

高窗乍曉雪漫漫
在得繩牀徹夜寒
衲覆且圖伸脚臥
簾開未敢出頭看
千株老樹迎風白
六出奇花夾雨殘

獨念主人江上女
泊船何處釣魚灘

同三一上人客胡氏草廬

草廬秋老蔓瓜藤
籬落稀疏疎夜吐
鐙鉢袋喜逢行脚伴
繩牀長坐有鬚僧
君從筆墨求安隱
我借圖書演大乘
三教總來無一字
何妨慧業與年增

胡星卿六十壽詩

勲戚飄零遍兩京
君家兄弟最知名
俠腸世已傾難弟
雅量吾尤醉老兄
陵屋分多須別構
墓田租少欲躬耕
郭門足跡多年斷
不見羊駝滿帝城

公主墳邊課婢鋤
先生計未全疎朝
應莊戶看分菜

夜叩漁家約打魚
吟到板橋潮落處
醉聞江岸雁來初

紙窗燈火茅檐裏坐聽兒孫讀父書
五柳成陰菊有花柴門置酒傍江涯
白法窮年髻未華戶外草盈高士屨
祝君擬薦安期棗豈勝東陵五色瓜

酬介丘上人

竹爐灰煖罷焚香擁被支離不下牀
同年早占一頭霜番僧掛鉢私傳藥
寶塔當軒屢放光牛糞火中黃獨熟
肯收涕為俗人忙

過爻蒼精舍

老去投閒別院居松窗芋火即吾廬
舊游數問燕京事好爻常通遼海書
對客添爐灰陷後冒寒洗鉢菜香初

年來丈室無長物柴米蕭然轉自如

臥病長干酬何敬輿太史

頭白飄零祇自傷故人宦後也淒涼
交情歷盡難忘舊色界空來獨悼亡
圖籍猶存前代賜衲衣欲冒老僧裝

可知學士休官早原是狂奴昔日狂

老公耽吟句懶工饑寒豈盡為詩窮
譚經決定人難聽

托鉢長防路未通門掩舊京秋色裏
藥香破寺雨聲中

與君共有傷心事貧病傷心更不同

雨花臺送別余大微之永年署

酒散高樓夕照殘送君滿地葉聲乾
僧榻白下秋添瘦舟過黃河月苦寒
官舍夜長初共被江程米熟好加餐

前途候吏邊淮見。不似頻年行路難。

酬方楷公民部

舊游意氣已全新。野性唯宜老。親待客。近情為客久。治家有法起家貧。纔窺白髮先辭祿。自出紅塵不見人。

破衲所需容膝地。可堪晨夕作比鄰。

門掩城隅向夕陰。狂奴索醉動追尋。閒教歌舞新翻曲。緩搆園亭足用心。禮法疎因同學早。宦情冷是讀書深。

最憐垂老生英物。纔識之無遶膝吟。

送杓司回宣城併問君謨

霜天凍滑小橋驢。送汝衝寒返舊廬。蕭寺冬殘為客印。敬亭月上到家初。道衰遍地難行脚。游倦歸山好著書。

借問君謨湯處士。菱罌瓦鉢興何如。

冬至夜同介丘及蒼陪牧齋先生禮塔即事

裴公禮塔日初長。佛號魚聲夜遶廊。月出殿東清梵合。霜侵臺上戒衣香。多生緣共依三寶。未死心還待一陽。

不是虞山真願力。宵深爭見白毫光。

佛是夜彷彿有光

寄題芟庵補山堂

芟庵家在洞庭灣。漁子鷗群共往還。市上但畱詩一卷。蘆中遙見屋三間。湘煙日暮橫江白。水竹秋深滿目斑。

直北諸山無可畫。畫圖應補點蒼山。

蕭伯開河亭有作

水屋依城晝掩門。經旬水榻上潮痕。同胞薄宦成兄志。

日開集

卷之八

七言律

四

日問集
合室長饑報國恩。多病餘年休斷酒。新聞時事莫深言。
平生多誼兼師表。為爾家庭古道存。

贈朱七處

城南白髮老頭陀。菜甲畦中掩薜蘿。穩著僧衣官不禁。
閒譚往事難偏多。避人索画侵晨出。許我尋花傍晚過。
赤脚抱孫看水漲。憑他醉尉往來呵。

卜居

西街市冷似邨墟。為聽兒曹此卜居。流水一灣沿小徑。
過橋幾步即吾廬。併因酒盡畱儲粟。圍待花稀改種蔬。
預想炎天門晝閉。北窗臥起讀丹書。

獨護穿堦竹數竿。好客來多頻缺坐。新蔬炊熟苦無盤。

朝饑賴得鄰僧米。欲乞朱門一飯難。

同嘉樹无忝有懷坐。徐氏水亭因憶石谿及蒼兩

師東去

城南虛閣敞江濬。客到炎天水漲時。臥柳巧遮亭午過。
歸舟橫任晚風吹。持齋慣設名僧榻。即景能生高士詩。
只在此中閑半日。羸他行脚兩禪師。

塞虹橋看水中塔影

長干塔火轟城隈。影落橋東波倒迴。點點曙星銀海燦。
層層寶樹渚宮開。直疑蚌吐千珠見。忽訝龍御萬燭來。
不是炎犀通夜照。江神水族漫驚猜。

湯聖弘招同嘉樹有懷飲雨花臺共用秋字
 每眺荒臺動客愁白頭况是此時游山因樹滌奇纔見
 江以潮撈定不流樓閣迥添雙闕恨丹青空染六朝秋
 登高賦屬諸君事笑我逢場強唱酬九
 同陳昌箕杜蒼略閑步因訪星卿草堂待月歸途

有作

江郊騁步野人居豆架瓜棚暗草廬近席潮平鳴急
 昔檐月上白前墟竹聲夾路秋深夜荷氣侵街露下初
 分手過橋詩已就到家無火映階書魚

朱子葆別公有懷

嘉禾亂後信全稀忽過南邨叩板扉笑汝纔完婚嫁債

勸余莫著水田衣雨淹塔寺花無賴潮退湖鄉蟹正肥

太日行裝知掠奪丹陽何計買舟歸

三山街遇陸漢東悲喜成句

荷衣棕帽朔風吹市上逢君執手疑未敢認真停問訊

似曾識面賴鬚眉班齊客舍聯盟日火照官船捧檄時

往事莫題腸斷盡一回哭及一回師夫

姚六康過訪畱宿

端州散去嶺千層何意重挑白下燈諒汝公車聊免俗

看余野服已非僧同門人在天涯盡故國各疑夢裏登

午夜吞聲談往事捫髀相問報恩曾燕

雪中張萬青拉飲

獨臥江天白滿邨。為君強起出柴門。初衝市氣寒疑減。漸沒城煙晝欲昏。舟楫水膠淮水涸。峰稜粉抹蔣山尊。老來怕就人家宿。覆我重裘夜不濕。元塔火分明一氣遮。直上露臺綠恃酒。旋收臘水與烹茶。看君轟飲難堅坐。送我高眠道士家。麻

即事戲成

蠟燭花穠獸炭紅。街杯無計覓妖童。尋歌兒姚威頻問雪。席間勇氣欲當風。陳尊正飲客休去。愁煞三更獨醒翁。東

雪後僵臥承曾旅庵損錢買炭口占奉謝

南郊雪後晝無煙。市井蕭條歲暮天。詩債每催侵曉起。睡鄉長戀看山眠。氣噓被濕鬚防凍。足怯牀空膝苦卷。正報厨中新炭了。故人剛送一緡錢。

兵後重到草堂書懷

曾驚烽火暗南邨。敢擬吾廬今尚存。牛糞堆邊尋老爨。馬蹄聲裏掩衡門。灌園叟去藩籬倒。載米船來市井喧。愁絕不堪思往事。滿庭秋色照黃昏。

上河畱宿酬王汾仲諸子

步出江關路可憐。偶乘高興小春天。橋危獨木愁行旅。潮落高灘鑊釣船。津市一家初賣酒。邨墟幾處有炊煙。

居人好客爭為主。畱我樓頭累夜眠。

憶江邨寄示兄子煦初廉裕騰祥及兒子濼祖

江上青山桂樹邨。先人遺構至今存。本無多地為園圃。獨此三間課子孫。逢世文章寧有效。傳家經術且勿尊。

同堂自昔相師友。來歲吾歸細討論。

寒夜念天界同叅諸子

破衲蒙頭擁地爐。紙窗新補壁新糊。殘書數卷終朝看。老屋三間一物無。正好舖糜逢米盡。偶然思酒乏錢沽。

知君夜靜灰堆冷。七尺單前凍未蘇。

寒燈無焰炷無香。坐到更深懶上牀。讀易偶知冬至節。叅禪不入祖師堂。果然火死灰重活。但覺陽生凍未妨。

借問蒲團枯坐客。功辭剪爪為誰忙。

酬三互大師

一衲蕭然自在身。諸方獨有此翁真。寒江破浪遙慈母。古寺臨龕哭故人。杖師來為浪不斷情根存世諦。可知佛

法在天倫我無一物堪為供。赤手將來未是貧。

庚子正三日沈仲連楊商賢曾青黎方爾止梅杓

司陳伯璣同集顧與治宅

雨隔春城路未賒。客途相聚頌椒花。深杯潦倒羈人興。老屋陰寒處士家。時事又憐三日過。髣髴毛總向十年華。

明朝便發還山櫂。愁煞孤篷月影斜。

潛山道上雨過望雲中天柱峰

千峰迷失雨餘天。忽向雲端覩岳蓮。高髻平窺玉案前。

太湖聶掌坪山居

司空山後一邨偏。我爰誅茆十八年。繞磴離離生藥草。

穿階活活引流泉。路隨灘沒朝尋渡。床厭溪喧夜攪眠。

坐久不知檐溜歇。瓦盆濁酒共陶然。一溪曲折入花源。冒雨衝泥直到門。炊飯無人輪子婦。

采薇供客走兒孫。草茅遮斷沿山路。燈火微明隔水邨。

悲喜半生談不盡。知君欲覆積年樽。為避風塵到此間。筆耕未許暮年閒。路逢野客多酬酢。

門對溪翁數往還。稅急吏頻披草徑。人稀虎竟破柴關。

細看天意今將轉。好辦移家早出山。

徑隱叢篁為左霜。鶴賦斜倚半峰開。空林人語窺難見。

野路樵通唱自迴。書雨篩千嶂。合夜深溪怒萬山來。

高窗燈小兒貪讀。一聽書聲一舉杯。夜深溪怒萬山來。

主簿祠荒薜蘿一。巢新構在岩阿久。思學釣尋漁父。

忽肯參禪寄身窠。野火燒餘山色淺。柴門掩後月光多。

溪邊坐聽灘聲鬧。常許施橋與過河。

左眠樵抱蜀堂落。成

半生事業已全虛。垂老仍尋舊隱居。澗溜昔年枯絕響。

日開集 卷之八 七言律 九

岩藏先世讀殘書欲畱客飯親燒笋爲仰僧勤帶種蔬

我來擯角未全生一雨纔窺數寸萌朝省地潮圍筍暈

昨在九峰經宿返亭亭早見萬竿成

同左子兼子周尋山

尋山連日費躋攀不盡探奇不肯還黃鳥啼殘深樹裏
青鞵踏破亂峰間同人老似輸余健多事時偏勒汝閑
已約高僧秋後至掛瓢親許小瑯環左小瑯環爲山氏家山

喜姚經三成進士

名老詞壇榜正新可憐捧檄慰孀親文章早識無雙士

科甲連爭第一人擬經三兩兩俱作吏鋒鋌應暫斂傳家

清白豈辭貧知君出造蒼生福利弊先蘓桑梓民真

才子高科及壯年看君意氣轉蕭然新詩已見存心厚

妙画還窺用筆先莫厭刑名官近俗應知山水郡多緣

道人易註書行就望汝流通使世傳先

左夏子懷西樓得山字

柯風初御晚涼還展齒同乘物外閒百尺樓頭書萬卷

千重樹裏屋三間淡香細潑秋前茗遠黛平招雨後山

半醉祖肩橫說易一生天放老夫頑册

初夏

梧陰初大竹初成。天氣寒多穩卜晴。野草花鋪紅毯潤。
 新秧風熨碧壽平。幾雙山地牛頻叱。一片水田蛙亂鳴。
 底事流鶯啼漸懶。漫無情緒兩三聲。康
 喚晴喚雨樹頭鳩。處處農忙為麥秋。山筍充盤和露折。
 野花入藥夾藤收。學飛燕子空巢出。作隊魚苗戲溜游。
 講罷南華無一事。舊詩親寫與人留。左

杜鵑

四月秧齊水滿邨。杜鵑啼處綠陰繁。山花似染三更血。
 國事徒傷萬古魂。少婦枕邊春已去。征夫嶺上雨初昏。
 天津處士休愁絕。那得南人氣尚存。元

黃鶯

碧柳千條覆大堤。鶯吭初滑聽難齊。風前酒醒偏聞轉。
 夢裏人驚直恁啼。似曲慢調深綠內。如花流過斷橋西。
 知君自愛聲音甚。定選陰陰好樹栖。春

百舌

春深山僻鳥鳴幽。底事閒關笑不休。一片舌翻千樹裏。
 百般聲鬧五更頭。繁音學出人爭喜。巧語多來聽漸愁。
 自是耳根難得靜。讒言君側豈吾憂。左

画眉

小鳥和鳴何處尋。聲聲不變異時禽。四季清溪雨過於。
 新美別院風微送。好音顧影漫勞京兆筆。聞名先動美人心。
 能言未必如鸚鵡。閉在雕籠一樣深。後

夜集遠心堂示方田伯素伯有懷昆季

東門苔滿客初還孤月猶懸老樹間謝氏和詩自和

于公問在畫長關金蘭兩姓通三世玉筍參天刃一班

回首同時風雅伯禪心灰死萬重山

數過潘伯鸞小飲與陳二如劇談醉後有作

南樓深巷隱雙扉每訪潘生盡醉歸講易超超迎妙悟

談詩往往合禪機日斜川上收虹飲雷過城頭挾雨飛

不是衝炎頻擾靜微言欲覓解人稀

飲鄧東之却贈

老去同人跡迥疎可憐心事未全殊酒杯入手江湖興

詩句關情山澤癯親構綈含收死及時週薪米邨遺孤

吾鄉及誼如君少翻恠元龍意氣麓

淚汝藏身出處間乘風高翮早知還數延僧住思離市

但得錢餘便買山生事喜于垂老足世緣肯放此心間

論交杵臼今無幾一過高齋一破顏

方井公招飲

負郭墻陰僻似邨屐聲得得破苔痕山城水漫朝無逕

竹樹春深書掩門酒在雨天空易醉詩于晚節覺難存

煩君好我思行世擬待刪成與細論

姚翼侯催粧詩

薄暖輕寒四月天黃鸝休攪合歡眠壁間絃是新調好

鏡裏睂眉知再面妍承叔大姨稱謂換尚書小女子孫賢

劉驥再娶趙兒尚最憐集句聲聲苦從此摧燒不許傳
書第九女生九子
翼侯先有悼亡集句

吳于廷移居城北

新居負郭抵邨莊况有三間疎豁堂便縛架遮東晒熱

擬開窗納北風涼雜花滿院畱詩叟小石憑欄坐酒狂

共訝屋楹稍過直原來丘壑翹偏長

江在滄昆仲見過
鶯花入夏三都館蠟屐侵晨二陸來執禮爭知家有教

讓賢轉覺仲多才門庭兒爾清修苦心事逢人笑口開

老公詞壇如不棄或堪頻把論文杯

潘蜀蒞邀同方爾從舒懷祝山如劉爾雅陳季白

潘彥升集石經齋即席

潘岳閒居願不取誅茅小構石經齋罷修碧檻惟栽竹

特開朱門改用柴詩卷敢為慈毋較蜀蒞初成酒杯偏

喜故人偕談深燭盡西風夜落葉蕭蕭暗滿階

姚駕侯招飲錦叢堂

錦叢堂側碧苔斑滿榻圖書在此間年力正強思勇退

家聲方噪獨偷閒小窗日課詩偏富大户天教酒不慳

客到所談方外事何須更買最深山

王以介太史出叅江西督儲小詩叙別

早歲為儒典石渠借才暫出叱熊車舳舻自轉司農粟

膏火猶親太史書老爻禪關深望護大謂無可前賢講席

未應虛柴桑大有遺民在肯過潯陽一式廬
 丙史持籌佐大藩南州久困轉輸繁要知治賦循良績
 早驗居鄉長者言國課正嚴寧望咸民情少緩即為恩
 遙遙澤沛西江水可有餘波漑里門元

寄懷錢爾斐孝廉

武水泱泱滿縣流孝廉家在板橋頭竹聲晴聽通宵雨
 山色陰含一院秋為喜孤吟營小閣時招野客上扁舟

梅花墓側東門路惆悵當年夢裏游郭外花開春置酒

兩年風雨臥南園問姓同為武肅孫郭外花開春置酒

溪邊詩就夜敲門漬畱震澤孤臣血謂仲招斷虞山萬

里魂鑑在莖桂莫話昔年行樂事鬪人紅袖至今存昔

爾斐作使女郎賭勝為樂聞其人尚在燕陰

亂餘澤國遍風波破衲孤筇未敢過枕被幸存兄弟樂

併念庭階深望子孫多向來白髮應全秃老太青衣豈

解歌爾斐生而髮自又所狎借問畸園憔悴與驚魂定

後興如何先謂龍門

書懷寄錢仲芳

記別王孫十六年故人星散五湖煙也聞鬚髮隨時白
 不見詩篇與世傳骨月難餘同產盡園林兵後幾家全

向來鄙句蒙收錄一字如存亦可憐武水有詩百餘首皆亡矣憶君家尚

本有抄

風波閱盡道人裝無復狂奴故態狂一領衲衣常自補

數莖短髮已全蒼。為澆宿草思行脚。但說嘉禾早斷腸。
小艇夕陽來去路。不堪回首是西塘。

寄魏交讓處士

意昔狂吟武水濱。竹林聲氣最交親。
以孤偏勁清白家。因亂益貧每在市朝多隱士。應共耕
釣老遺民。東南比歲名流盡。似爾超然剩幾人。

汪瑤若寄訊云以三之日便過田間奉遲不至

早聞君有約。赴青山便訪茅齋桂樹間。為擬聯牀添竹榻。
一夜梅花開。徑掃柴關。厨無兼味應相怨。酒入新年或未慳。

夏夜喜雨

火雲晚照四郊愁。一雨滂沱豈待求。天澤自依時節降。
人靜空為稻梁憂。高田趁水都催種。早稼盈疇已望收。
多。少。農。夫。通。夜。聽。聲。聲。滴。在。寸。心。頭。
不。種。田。園。不。納。糧。也。欣。時。雨。共。人。忙。
鄰。舍。瓜。藤。一。夜。長。墻。外。暗。聞。奔。澗。响。
分。來。佛。火。無。些。事。照。我。收。書。自。上。牀。
見。齊。方。壺。關。外。書。信。有。懷。陽。林。間。微。有。宿。燈。藏。

覩君書札字如鴉。遠自關東萬里賒。病婦可憐長在榻。

嬌兒猶在。不還家。深宵夢醒沙場月。絕塞愁吟野戍花。

聞道遼陽饒唱和。新篇幾拍入清笳。

秋雨宿龍戒庵

日開集
次知山頂一茅幽乘興攀緣到上頭戶外俯窺千嶺合
天邊遙湧大江流陰崖霧重茶叢好絕壑風清竹箇稠
客至恰逢秋夜雨燈檠茗椀話西樓
萬壑松風小閣憑晚時雨細雜煙騰空山鐘早完禪誦
古殿天陰暗佛燈草徑頻來修供客竹房久去學詩僧
昨聞虎出還當路不是探奇不肯登

雨阻龍戒懷還青四松山莊

龍戒山頭望不舒赤城西去故人居四松齋裏寒添被
萬竹庵中夜喂驢獨坐肯開新甯酒閒眠難覓欲看書
相尋訂有涼秋約可料懷君暮雨餘

江上錢澄之飲光藁

七言律

寄懷白門舊游

庚子秋何怒飛東下託其問訊諸子詩以代書不覺盈帙

馴象門西老逸民兩年晨夕最交親圖書相對全無事
龔孺同餐未覺貧雪裏顏開僧舍酒花時淚濺帝城春

楊雄居遠謂烟吾歸遠試問追隨尚幾人胡星卿

雨花臺側破山前有客樓居十幾年坐臥一牀人罕見

購求千卷手親編賢甥酷似能借隱阿叔雖癡亦好玄

造席若知吾弟怒飛解訪定容汝宿萬松顛張瑤星

元倬先生馬巷居修梧小石野人廬牀因客臥書頻卷

詩以交嚴冊漸除頭白未妨冠服古眼昏應與簡編疎

別來念爾心灰盡尚覺杯中興有餘王元倬

青門未必世堪逃自是東陵隱計高竟肯種園身本健

公然執爨婦殊勞灰心轉怕新聞至得酒時防故態豪

與我明年俱五十那能同醉臥江臯常蒼谷

季子孤標野鶴姿老來持重亦吾師長齋不斷杯中物

遠害猶憐亂後詩世網遍張余自汝禪關已過爾還疑

莫因學道身心苦何日為君撒手時錢季水

園上頭陀族本華多年賣画作生涯閉門反教鄰人鎖

潤筆常防老及賒許我丹青淹歲月憑君濃淡寫煙霞

客來直造柴門取託怒飛莫道翁翁不在家朱七處

城北王生舊有聲孝思及誼嶺南行親喪遠至通街泣

旅襯偕來舉國驚王迎喪嶺南併酒到十分神始王身

唯一綫子非輕橋邊相訂移家出擬覓吾鄉數畝耕

仲子無端滯網羅北來家信近如何櫻時早慮危機伏

處難還知俠氣多老及夢魂千里共阿兄鬚鬢一年皤

謂星生還速寄江邨訊飛過衡門與嘯歌胡君陸

城南野色滿西街白板門稀漸補柴佛戒易持難斷酒

家人不勸盡長齋市中賣藥惟僧乞寺裏聽經有弟偕

臨公誤收書一卷至今展對即開懷張僧持

吾道東南盡隱淪同時最有子雲貧辨端欲起皆知讓

日昇集 卷之九 七言律 二

星學頻推豈認真揚好推性不如章非佞佛家常絕粒

未求人江邨老多柴門遠撥草穿哇月幾巡楊炯伯

墻東高士髮星星老屋苔侵戶晝扃野哭每逢先帝

忌家貧其授小兒經談時微中平生少酒不辭斟徹夜

醒應有著書人罕見誰能竊向帳中聆王維中

墨妙如君海內稀看君游戲頗忘機囊非正乏輸錢却

卷自成堆得酒揮送太變僮經宿返約來雅集及期違

青田小石瑤星贈許為鐫還竟不歸張大風

衣屨蕭然處士風年來世法訝能通律詩自與唐音近

章法還於漢篆工宅卜南邨多夙好身離西席便奇窮

同生壬子今無幾明歲齊禰五十翁吳燕月童

荒園一逕入蒿萊常與溪翁薄暮來但到賓朋逢茗熟

弗拘時節有花開家私已盡惟藏画酒量雖差不斷杯

猶記小橋橫席坐月高闌進醉忘回姚伯右

每詫翁傳導引方顏如丹渥髯如霜朋樽難盡先生量

巾服偏互道士裝兒使廢書零賣米婦因賃屋替春糧

自從城北兵川後合室依栖老及傷陳石鯨

隆準爭憐高帝孫每談往事欲銷魂朱門入籍知難賣

翠袖從良說尚存亂日饑寒猶是福非時凌虐豈稱冤

遠游為負兵家債流落松江何處朱茂昭

蓬門開向小橋邊避世經今十六年遂見山陵供牧馬

每逢國忌拜啼鵲授經半出門牆下佞佛時遭塔寺前

羨爾食貧蕭散甚。杖頭常帶酒家錢。

金伊仲

年年麥飯哭冬青。皂帽相看共幾人。麩蕞難消南國恨。

菱荷不染北風塵。徒聞苦竹矜高節。未有寒梅漏小春。

意氣似君貧不久。問君底事只長貧。殷任野真

白鷺洲頭五柳前。相逢亂後各凄然。却看襟袖無寒態。

轉訝容光似少年。星學細談高士命。酒杯多費故人錢。

南中氣節歸吾黨。笑語從容覺汝賢。劉俱白下人以

早昔逢迎記不真。那堪鬚髯盡如銀。疎花小檻松江宅。

野逕孤筇白下人。褚松江人画倩老僧傳筆意。繡疑嬌

女是針神。家繡多乞如何歲暮柴門掩。又作蕃官幕裏

賓 褚白浮

建安游子滯難歸。困在江城古帝畿。賣画僧慳分潤少。

燒丹爻死乞錢稀。謂陳公舊書售去憑虧價。深巷尋來倒

啓扉多少闍人金布地。如君合是苦長饑。黃波民

蔣生卜宅徑常開。筆墨篇章世共推。親老遠辭蠻府幕。

客歸空插嶺頭梅。愁看歲逼衝寒出。喜勸翁閒講學來。

更是耽心憂大阮。謂玄扈株連雖釋幾時回。蔣植之

馬路街邊舊草堂。圖經千卷小樓藏。異書試檢篇篇讀。

僻事如徵字字詳。呈去逸詩勞採錄。借來秘本竟遺忘。

王以書見定知此物神靈護。劍合珠還尚有望。黃俞邵

門西小市倚城隈。一月經過定幾回。初學易林頻布卦。

自開酒店動傾醅。孀親節著徵詩檄。令弟名齊作賦才。

斗室炎蒸深坐日。北窗曾有好風來。

湯聖弘流寓

以

憶別梅岡舊酒鑪。憐君行脚一身孤。性難合處原知僻。

跡太奇時漸近愚。闕里志書修就否。

孝陵圖本蹋殘

無顧項有孝陵圖志

白門相念癯禪外

謂旭

尚有南陔老病

夫顧宣人

頭白張顛志已灰。萍踪未許海鷗猜。幾家圍內求花接。

何處階前選石堆。丘壑境從詩法悟。江湖興自酒杯來。

導師有意為摩頂。浪杖人欲念著萊妻苦要回。張太玉

蕭寺浮居客滿廬。談天聲價近何如。酒錢共仰君平卜。

詩句頻央逸少書。謂王樹裏簾收人散後。橋頭燈燦月

明初經行處處同。攜手獨有狂奴足跡疎。周勿庵

籓帽荷衣野客裝。可憐奇癖在膏肓。竹筐滿市收茶具。

藥裹逢人試禁方。家為燒丹全破廢。身思賣卜始韜藏。

知君有宅桃花塢。那肯閑居在草堂。謝逸人。客。以

檜樹森森滿寺陰。蒼苔路滑日相尋。同叅單上人皆散。

說法堂前草漸深。托鉢幾完行脚願。把茅誰作住山吟。

栖霞塔就吾何供。千里拈將一寸心。天界寺同叅諸子

長干壯麗九州稱。聞道今年土木興。畱取臺基容禮塔。

倒開窗戶看燃燈。杖人儼垂簾大半多高士。掛錫其中

有異僧若遇故人相問訊。為言鬚髮白層層。長干寺諸

新亭岡轉一茅孤。破衲棲山老更癯。持戒自知真性在。

授經屢辨字音誣。蒲團夜雨談圖讖。麥飯春風哭鼎湖。

旭初

虞

最是別來常掛臆。佛前摩頂小僧雛。旭初
憶在長干數往還。避喧深入祖堂山。二時齋粥松根送

雙扇柴門竹裏關。老病秋林增點綴。躡跚石磴慣躋攀
公年寫幅煙雲寄。牢掛江邨草屋間。祖堂介丘上人別

南來佛法自牛頭。二十年來此熟游。長憶小房耆舊住
偶逢佳客茗蔬開。大江潮白窗窗見。古澗藤纏樹樹秋

相識獨存監院叟。對人猶說昔風流。牛首監院定禪九
高座苔荒野色侵。游人只在雨花陰。路纔轉過喧隨隔

客自來稀境豈深。黃葉堆邊方士醉。梅花窗下老僧吟
一從寺閉兵梭後。無復扶筇得得尋。高座寺後

南朝諸寺首長干。百戲叢叢院落寬。黃口喧彌新國干
憑賭豎攤近日松。園頻試馬可憐老樹半周殘。長干寺

溪流脉脉繞頽牆。曾客荒林舊道場。竹影篩殘深院月
梅花凍白一庭霜。潭琴僧見經時化。說劍人傳蹈海亡

今日山門新壯麗。為看丹堊益淒涼。普照寺。以上陽
朱雀橋南塵最宜。纔離市口綠陰繁。青苔巷掃家家路

白槿籬編處處。叩王氣已銷松樹盡。兵機新得竹林髡
比來煙雨蕭條甚。空有樓臺望裏存。元

琉璃窰上一邨偏。小巷疎籬盡可憐。僧舍門當清晝開
人家路向亂畦穿。打柴婦過空藩圃。放馬兒來各斂錢

數里琅玕官伐盡。即今幾箇轉蕭然。先
口開集 卷之九 七言律 六

南岡路出鳳臺門
草色苔斑滿淚痕
碧血已收難入土
丹心終在不稱冤
未聞令下仇枯骨
徒以交貧滯旅魂

擬歛錢租荒寺地
可還移得殯江邨
移居為卜白門幽
豈意居民事事愁
闌市怕收騎死馬
犒兵權借放生牛
逃完戶口官難問
牽去妻兒債未休

唯有山僧裝不改
近聞牒下漸苛求
小市居因老及招
短牆門閉草蕭蕭
偶逢僧出搖葵扇
閒看潮生坐板橋
晨起絕糧鄰肯借
夜歸辨語大來邀

盈庭秋色誰為主
獨有胡翁歎寂寥
以上雜憶

自驚鬢髮忽蒼然
草草自述
閒五十年剩有文章
頃後輩

木此簪綬讓前賢
敝廬不改松根屋
恒產惟存水上田

活計蕭條總莫論
白日高羸得竹窗
眠因傷師及心全
碎

猛思往事慚無地
畢竟偷生負此恩
元瘦來瘡發舊乃痕

自得意不篇章
醉必歌一妄想
看來難斷滅
名稱心到底未消磨

莫笑支離半百身
逢場多木幾回新
羞將詩賦稱名士

近來不讀牀頭易
祇覺天心處處親
真徵求到帶幸能貧

正高休住市催科日急莫求田與君共覓長干宅白飯
青蔬果腹眠

五言絕句

清商小曲附

月夜

孤月當門上清光徹夜寒遙知人境裏只有一僧看

午睡三首

北窗隨意臥竟日少人來自把雙扉闔春風吹又開
牀上書忘卷松風次第掀夢中聽午醒似有客來翻
貧居真樂處未許俗人知過午煎茶熟剛逢睡足時

雨窗

昏昏連野雨漠漠隔溪煙雨遮茅屋窗中有客眠

苦寒二首

凝寒看不見剖面本無風應是虛空凍人居冰腹中
氣化疑全滯凝陰塞兩間祇餘方寸地呼吸得迴環

雪朝

恠得鳥聲住開窗看雪飛今朝眠不起料是客來稀

贈園居老僧

上人勤梵行助我住山情每夜三更醒遙聞磬一聲
耕種惟三畝經年不出邨自裝金相畢還欲改山門

題所錄書

自得陰符訣宵深匣有光世間無壯士付與鬼神藏

歎老

豈意吾真老。近來始自疑。在他年少輩。行樂不教知。祇是三年內。人驚老態多。中心雖不服。其奈白鬚何。

有感

吾家逢朔望。祖廟禮無違。不及十年內。頭班漸漸稀。

可歎

諸兄看已盡。世法到閒身。可歎除僧服。重來作俗人。

來園雜詩

園中花樹不植自生。周旋已久。各贈二韻。

梅

已覺寒梅早。枝條故故遮。今朝檐際覓。親見兩三花。

桂

桂樹千年物。叢生有六株。小山盈十畝。盡是落花鋪。

松

宅後松全秃。多年老此峰。祇愁雷雨夜。一半空為龍。

丹桂

桂樹月中種。香濃白露天。把杯吟一曲。紅雪落翩翩。

橘

橘柚經時摘。青青日漸黃。最憐人靜後。無故忽然香。

紅梅

水姿原絕世。底事學紅粧。艷色春無限。誰容汝擅場。

柳

嫋嫋門前柳。絲條拂地垂。春風吹有意。為我掃茅茨。

蠟梅

著色宜為豔。輸香覺太濃。是梅皆冷淡。花譜冒同宗。

杏

古杏邙邙見。春煙樹樹籠。恠他經雨白。只在半開紅。

櫻桃

忽訝花如雪。難禁一夜風。熟時偷最早。鳥雀與兒童。

桃樹

小桃當軒映。輕紅亦自嘉。山人新接過。還擬似朱砂。

山海棠

爛熳荒山裏。芳名孰與標。漫誇西府豔。一樣雨中嬌。

梔子

素花真六出。似與雪爭奇。正在純陽月。陰來報我知。

苦李

月下疑無色。煙中薄有姿。從來不結實。誰賺路傍兒。

辛夷

木筆花千朶。把將芍藥看。暗中開繼落。一月不知殘。

山桂

素華零似霰。驚起一庭鴉。忽悟身鳴磻。春山落桂花。王摩

詰鳥鳴磻有人間桂花落夜靜春山空句

冬青

霏霏五月雪。鬱鬱萬年枝。雨水何須卜。花開過始知。農家

占花開盡則後無大雨水

日昇集

卷之九

五言絕

十一

樂少堂

白石榴

層層皺縠紋。搖曳有清芬。想見文君寡。新粧白練裙。

紅山茶

山茶何代樹。豔色吐丹砂。只得一枝在。還開千朶花。

紫薇

野色邨頭賤。何緣植禁中。應憐名字好。偶與帝星同。

梧桐

滿院梧桐葉。飄零早報秋。免教深夜雨。點滴到心頭。

木瓜

堆盤香白妙。入藥效尤殊。世少瓊瑤報。山人莫浪投。

竹

春篁添數箇。已覺笋行邊。勢欲穿田下。明年許廢田。

羅漢松

纖纖佛頂青。燦燦僧欄紫。發願蓮花生。結胎應如此。

柿

柿葉無通赤。斑斕錦不如。更憐枝似鐵。屈曲未全舒。

雙檜

老樹如車蓋。交陰翠幾重。此中堪構屋。恰對九華峰。

杉

手植新杉樹。一年一節青。孫枝根下起。出土便亭亭。

烏柏

可憐烏柏樹。不待曉風吹。白滿枝頭粒。畱克鳥雀饑。

皂莢樹

高樹秋深葉童童葆蓋黃把茅當頂破特為覆空王

木槿

籬落紛紛布朝華亦可觀要知容易落不使見衰殘

天竹

五尺琅玕樹新縣辟火珠朱欄相映好原不倩他扶

杜鵑花

不信花為鳥斑斑有血痕枝頭無語喚游子暗消魂

薔薇

不是春花豔誰移野刺栽恠他無力起只要傍墻開

甘蕉

盛夏當窗覆炎威也似寬借他陰正好修竹漫相彈

虞美人

拔山徒有力無柰弱姿何不住臨階舞知余善楚歌

讀曲歌

嘲左
眼樵

吳中出細布匹短幅大濶不中裁儂衫縫衣與郎著

遍調耶孃傳小曲儂能度郎勿按拍板幾番教儂誤

郎好白晝眠上牀推不醒旁人錯相疑只恠就儂寢

郎喜出門去望郎畏人知暗中布方局郎自不解期

郎性不飲酒雅好捉鼻吟蓮子種成藕絲絲有苦心

黃蘗當門生為郎作籬落終日彈七絃聽取苦中樂

薄命曲

安邑張萬青悼姬作載
花船傳奇索同人賦詩

妾家住金陵姊妹良家子身如金錢花被人作錢使解一
 車過秦關公知充後房姪齒臂謝阿母低頭事諸姨解二
 君家庭廣廣多植合歡樹但得為人憐不恨為人誤解三
 阿母舍女歸泣涕終夜語養蠶喂黃蘗腹內絲絲苦解四
 脫釧要阿母妹勿別與人諒為人小婦寧有姊情親解五
 弋人坐磐石野鴨飛滿塘蒲弓不在手一獲兩鴛鴦解六
 郎載阿妹行荔枝得飽食妹勿食荔枝奴嗔他生在側解七
 妹宿羅浮旁姊在秦華頂夢中擲梨花與郎同哭醒解八
 夢醒促郎歸妹來姊不見幃前出皓腕念姊臂上釧解九
 郎采芙蓉花花葉大如船儂自乘船去郎心空見憐解十

以上俱叙傳奇中事

田間集 卷之十

江上錢澄之飲光藁

七言絕句

石屋

石屋重來萬恨侵。獨畱高檜碧森森。兩廊羅漢舊相識。

記得當年夜苦吟。唱和已稀蓮社侶。送迎不見虎溪僧。夜深醒却十年夢。

獨對千峰一點燈。

春蘭

春蘭

空林疑有數花開。香氣無端忽自來。只在此中尋不見。

幽芳強半野人栽。

秋蘭

秋蘭初茁滿叢芽。一箭能開十朶花。不信幽香濃若此。祇應移植貴人家。

戲作示汪瑤若

記得相扶禿袖香。醒來依舊宿空牀。料他不毀山僧戒。豈怕通宵般若光。

遇柳雲禪師

學到無心迥不猜。南邨丈室爲新開。皈依共信修行苦。那識曾經上座來。聞海風波不可思。與君畱得老頭皮。殘年只合相依住。君賣丹青我賣詩。

長干寺走筆謝曹梁甫惠米二首

羨煞南鄉米似珠。故人損價特貽余。連朝買飯今親煮。暢好長干一月居。

賣賦營炊價漸微。今晨已辦典寒衣。可知仁祖真相念。筭定修齡此日饑。

慧音寺尋密傳禪師

一徑斜穿古檜陰。長廊晝暗碧苔深。閉門不省秋光好。獨對爐香自看心。少年白下舊詩僧。忽棄詞林學大乘。鄰院小師尋入社。不知名已上傳燈。

訪木平上人所居一茅是長干絕頂

絕頂孤扉晝不開
望中煙樹隱樓臺
有時雨久炊常斷
居士敲門送米來

送與安上人之越

越中佛寺遍千峰
何處叢林不可容
近日能詩隨付法
漫勞枯坐悟南宗

得姚孟峽廬山監院書信

廬山監院定知誰
尺素親傳自藥師
却認姚髯書法熟
同鄉居士漫相疑

茅坪庵裏罵空王
鼻孔遭牽豈更狂
爲說澹歸行脚苦

開春走乞嶺南糧

初澹歸在茅坪潛製僧帽爲孟峽所詞

鄧府庵棋僧

鄧府庵前草亂生
荒墳細路少人行
竹風滿院雙扉閉
聽得楸枰落子聲

步月長干寺聞橋上有吟余飛來峰詩者且細述

其事

孤月縣空滿院秋
舊詩有客咏橋頭
咏餘更叙狂奴事
細聽如爲夢裏游

望長干寺

南岡回望長干寺
寶塔紅樓碧瓦亭
恰似將軍濃蘸筆
層層顏色寫丹青

黃俞卽以燈夕後一日三十初度用湯聖弘原韻

補祝

江南節物忽華余萬卷爭陳燈市初却恠黃生踪跡少
自緘竹閣校藏書

家近皇城馬路邊 孝陵長對草窗前即今三十成名
士不見松楸十五年

修竹藏軒暑不知秋來冒雨偶披帷
轉笑無公字學癡無可師以字詞客登壇半楚騷爭酬新句薦春醪老年屬和吟求穩

白首江天苦費搔

金陵口號

漢家法物廢為銅觀象臺存器已空却說渾天儀尚在
撤來零落府堂中

每憶魚鮮羨後湖持竿敢動一鱗無水衡已弛 先朝
禁特召江頭網戶租

舊內門封不敢開幾時瓜菜滿城栽當年賜作中山第
夜半離牀叩首迴

大中橋北北人栖南內淒涼白晝迷時有推囚官吏到
夜深窵鬼遍城啼

南朝冊籍重魚鱗鎖鑰關防察視頻發出街頭官價賣
家家窗戶一時新

牛頭山下鐵心橋千載精光自六朝為擬鑄刀官取太
只今劍氣可冲霄

靈谷松陰五里長窺人鹿出色全蒼如今樹盡三門毀

獨對鍾山看夕陽
城南樹色靄氤氳石馬高低貴戚墳松栢伐完荒塚塌
牧奴磨滅斷碑文
萬松無復一松遺來往人詢正學祠棟宇盡傾孤像巋
冠袍危坐雨淋漓
古樹蒼蒼官路傍墳園無主說娘娘花磚碧瓦 皇陵
式撤向叢林蓋講堂
歲祀南郊古帝都天壇猶憶舊規模棟梁處處栖靈氣
賣與人家住得無
園陵宮闕已全傾十八門樓又毀平往日金湯須底固
太平不用外羅城

牛首重過桃花磯

桃花磯上有精廬二十年前此讀書遍覓臨溪房不見
被僧改作行人居

寄牛首三茅峰老僧

憶在峰頭遇老禪亂中畱我竹房眠忽驚烽火隨人散
猶欠廬陵米價錢

過甘露閣

小閣柴門竹裏開游人只到短牆回官兵伐竹山僧去
三徑無籬任往來

秦淮歲暮宿倪越公孫雨田寓閣

水落秦淮夜悄然故人畱我讓牀眠燈前一卷時時看

太史遺詩手自編

少年為客苦寒宵。水閣經冬最寂寥。兩岫綺窗通夜閉。

孫郎向月自吹簫。

吳拙存出示哭鑑在詩屬余序之因成一首

幾度哀吟調不成。斷腸况是鶴鴒情。作君小序無多字。

一字書成哭一聲。

和方有懷孤鴛鴦詩四首

微禽幸脫網羅中。敢羨雙飛恨在櫳。君是合歡牀上客。

祇應持贈獨眠翁。憐他隻影小窗前。也知嶺外歸來客。

十首詩成盡可憐。獨宿松間十七年。

此生交頸夢難成。媿煞人間伉儷情。喚作鴛鴦單不得。

吟時顧影怕呼名。底為鴛鴦苦悼亡。玉鏡臺前吟不得。

防他聞著暗心傷。

自潛山入太湖道中即事

望空峰尖雲裏見。到來山色霧中看。知無脚力穿雲霧。

空向青天倚杖歎。

見說峰頭一水環。最高頂上杳難攀。居民不省稱天柱。

指與游人說萬山。

三祖寺前多酒店。僧家原為住山開。葷腥不入齋堂去。

專待燒香老嫗來。

岳勢凌空不可求，遶廻祖塔筭來游。憐他得法堂頭若

客到披衣預上樓。山上潛

溪廻百折繞山遙，裊裊橫空獨木橋。一夜水來橋盡斷

過溪直待漲全消。

一道清流走白沙，青杉翠竹有人家。門前路斷應難到

來往灘頭放釣槎。

司空山亞皖公尊，遙望牛頭一角存。漸到山根看不見

煙迷雨暗杏花邨。湖道上泰

積雨連朝溪路漫，奔流壞棧過山難。道傍借問先生宅

直上銀河三角灘。訪聶掌坪

白鹿坪贈寶惜庵主

身雲岩下虎聲驕，白鹿坪前斷采樵。麝炰四山風雨夜

跛師來結小團瓢。

山根有客裹胡麻，遠餉闍黎不在家。獨有破衣懸樹上

草間揮汗自鋤茶。

山前山後絕人煙，每爇爐灰火自然。昨歲雪中香忽滅

罷炊忍餓過新年。

一徑荒荒入草萊，佛堂燈在竹門開。游人吹火燒茶熟

日暮山根負米來。

穀雨過來又一句，家家泥竈焙茶新。明朝赴請前峰去

盡把茶山託與人。

腰斧穿雲獨自行，空山無伴响丁丁。枯株倒向溪邊爛

留待明年木耳生

九龍庵葉道士索題

住山道士不相知也愛西頑近體詩長夏烹茶新滌硯
拂箋來乞步虛詞

幾間屋得一間栖愛向籬根養白雞忽事割烹求潤筆
至今窗曉不聞啼

不須搬運勤驅鬼不用燒丹苦費心只把藥醫黃雀脚
衙將瓜子種成金

道士養一跛者

松樹歎

偃蓋虬枝近百年長籠佳氣護高阡可憐葱鬱一朝盡
伐與官家造戰船

深松茂栢鬼神栖車蓋亭亭遠近齊自是人間官法重
那能復顧夜臺啼

空山伐木响丁丁說造舟裝下海兵恠得山靈畱不住
樹頭夜夜有潮聲

高標勁節入雲孤不受秦封五大夫用汝作舟期破浪
貞心還可濟川無

畱松詞

隔嶺蒼松大蔽牛工師肯向小山求常時恠爾無材具
不是無材那得畱

根株已分斧斤摧豈意全生賴不才料汝終無舟楫用
從今偃蹇傲山隈

宿輔仁館夜起示楊得之童穉公期公
何處鐘聲報耳邊
起來行坐月當天
諸君未見清宵好
只恠吟詩夜不眠

宿方橋梓市居

廣文宦罷有新詩
斯道惟應老去知
深夜莫談南渡事
當時恩怨豈堪思

檻外有辛夷極盛
每春開花數千朵
夏秋之交輒

復吐一二枝
然鮮豔不如矣
詩以志慨

一春木筆爛如霞
一名木筆花
三伏炎蒸尚欲華
應似詞人

垂老日絲毫時吐
夢中花

花開為負木蓮名
俗名木蓮
擬競芙蓉出水榮
如抵過時

難鬪豔與他當令
豈能爭

見新筍有感

瘦竹龍鍾三兩竿
年年池上望檀欒
今朝新筍盈林迸
不見吾兄倚杖看

弔新移梅

壓樹堆枝白玉葩
多方移出俗人家
那知一片憐香意
斷送牆頭萬朶花

馬上兒行

五陵惡少探丸兒
躍馬彎弓白晝馳
路遇官軍相借問
分明身隸正黃旗

河北山東羽檄催
紛紛馬匹向南來
盧州太守公然劫

一帶城門不敢開
一樣邊裝誰敢遮
當街下馬問生涯
近來客夥爭能鬪
散入鄉邨打富家
三尺瑯弓不離身
邨南邨北漫邀人
平明上馬東西去
太後官來捉四鄰

水邨示從孫昆牧

水邨群從半孫枝
似爾神姿亦出奇
生長田家渾不問
閉門私寫老夫詩
綠樹青溪共一邨
牛闌牆畔紙窗昏
春來頗被鄰家恠
底事詩翁屢到門

檻外辛夷盛開

凭軒兩樹紫辛夷
二月花開不計枝
朶朶擢空爭吐焰
更無一辦肯低垂
房如賦粉宣爲白
朶蘸蘸暗不道紅
一樹含苞千點火
枝枝尖焰欲燒空

戲贈飲客吟客各八首
偶與家兄弟小酌戲請飲
客吟客各八人因贈以詩

飲八客

頭白邨翁臥路隅
有兒能負有孫扶
莫嫌老去朝朝醉
不是豐年得醉無
邨翁

日落漁翁不下鉤
賣魚取醉臥船頭
鄰幫開動頻相喚

喚醒撐篙網未收
漁翁

佛前日醉兩三場
莫笑山僧是酒狂
醉裏觀心無一事

看人妄想坐禪牀僧

黃冠道士酒賜寬道士也不言饑也不寒古廟雪深伸脚臥

自稱身服大還丹道士千場輸盡滿腰纏醉來胆氣麓豪甚

縱博攤蒲夜不眠博徒滿耳凄風滿面霜夢裏不知身中酒

邊人一醉臥沙場征人乞來殘酒卽時傾草堆一夜躑躅睡

赤脚朝衣雪裏行乞人時嘗一盞看佳無興來且盡牀頭甕

多插青帘掛酒壺賣酒翁新插青帘掛酒壺賣酒翁不啻人家沽不沽

吟八客

猿臂將軍鶴髮翁老將老來入社調偏工饒君馬上矜無敵

不及詞壇得意雄老將絲管拋來鏡少窺筆牀硯匣不曾離看他詩興花前少

多在傷秋臥病時老妓七尺單前坐已非口頭拈出盡禪機請看近日能詩者

何處宗師不付衣禪僧道士平生識字疎自言能咏未能書口占特倩旁人寫

多少詞宗和不如邨道士街頭有客不知名邨道士襟在傭中過此生時向夜深吟一首

傍人聽去又吞聲逋客

客游無柰旅愁何偏是愁中好句多若使臨邛能好客

集成那得有悲歌游客

在得年來女道尊大家才子在閨門蠻箋慣寫香奩

錦字時存粉甲痕閨人

燒符請得到人間唱和經旬不肯還却說古今詞賦客

天曹列在散仙班亂仙

看花十首

最愛花枝映水邊照來花影倍增妍朱顏小婦新粧就

明鏡臺前越印隣水中引手攀花鏡本空不似月中丹桂影

尚留明鏡裏有春風鏡中

膽餅新插朶離離莫笑無根但有枝檢點樹頭開及落

與他爭較不多時餅中含嬌含態有無間應同金屋珠簾卷

漫道燈前色較殷燈前

一片清光映玉顏

盡日尋春花裏藏折花端合獻空玉靈山會上傳何事

驀地拈來笑一場佛前

著雨花枝最有姿嬌柔無力倩扶持也知雨欲催花去

引得人憐在此時雨中

旅况經春恨未消偶然失笑在花朝笑他不戀枝頭

也逐東風處處飄客中

亂來忘却已交春恁得山花次第新辜負東風勤著力

七言絕 十二

世間未有看花人亂中

聽說春光欲起看倩人扶著倚闌干勸花莫恃精神

也怕風吹雨打殘病中

每日花前飲一盞半酣看去眼模糊莫矜豔色欺人老

醉後朱顏賽得無醉中

夜靜江澄一匹練鋪篷窗開處月輪孤即疑龍女深宵出

來戲波心江上

露白煙銷欲夜天水輪却向馬頭圓此時見月惟行客

一路人家盡早眠馬上

夜長推枕轉身頻入幌穿帷月色新應是姮娥眠不寐

潛來窺伺不眠人松上

松間明月最銷魂細影疎痕映板門一派潮聲風攪

還疑初出浪松間

參差竹箇翠交加影落虛庭迥不遮一片空明疑積水

水中藻荇任橫斜竹間

萬葢千條屋角邊梢頭忽見一輪圓黃昏時節無人到

翠羽嘈嘈滿樹煙梅間

蒲團宴坐在雙林灰死香消夜色深惟有法堂孤月上

清光如鏡照禪心定中

清宵見月幾含情似為愁人故故明應是夜深纔皎潔

不愁不坐二三更愁中

日昇真 卷之十 七言絕 十三 吳易言

積素揚輝通夜照。月光雪色一般清。若非移上闌干影。
 地底平鋪辨不明。雪後
 舞席歌筵徹夜開。當頭幾見月徘徊。清光不逐豪華散。
 歌舞完時上砌來。席散後



